



安徽通志

ル 5
1575
49



凡名
1575
49



重修安徽通志卷一百四十四

職官志

名宦

池州府

吳黃蓋字公覆泉陵人孫堅舉義兵蓋從之堅薨隨策及權諸
山越不賓有寇難之縣輒用為守石城縣吏特難檢御蓋乃署
兩掾分主諸曹教曰今有軍旅之務一以文書委付兩掾若有
姦欺終不加以鞭杖宜各盡心久之得兩掾不奉法數事詰問
辭屈皆叩頭謝罪蓋遂殺之縣中震慄後轉春穀長凡守九縣

所在平定三國志本傳增修

唐韋仲堪字權輿青陽令豈弟而民從南畿志

李芄字茂初趙州人李勉觀察江西表署判官永泰初宣饒劇

重修安徽通志 卷一百四十四 職官志 名宦 池州府

賊方清陳莊西絕江劫商旅支黨盤結芄請以秋浦置州扼襟
要使不得合從勉是其計奏以宣之秋浦青陽饒之至德置池

州既詔芄行州事

唐書本傳

蕭復字履初歷歙池二州刺史治狀應條

唐書本傳

張巖建中初池州刺史因公坐法免苦節立身直躬激俗廉潔

惠愛特異常流

李冉舉巖自代疏

孫愿貞元後三任池州刺史積漸所致民濡澤焉

南畿志

李方元字景業池州刺史句檢戶籍所以差量徭賦者皆有科

品章程更不得私嘗曰沈約年八十手寫簿書蓋為此

唐書李遜傳

杜牧字牧之萬年人

一作長林人

會昌中刺池州剛直有奇節不為

齷齪小謹論列大事指陳利病尤切

唐書杜佑傳南畿志

竇滂乾符六年刺池州黃巢亂後百姓死徙城邑為墟滂檢訪

鄉籍安集流亡築城浚濠立廨舍

竇滂重建大廳壁記

南唐吳仲舉興國人為池陽令宋曹彬伐江南遣使招降仲舉

殺其使及破池州被執仲舉曰世祿李氏國亡而死職也彬義

而舍之

十國春秋本傳

宋成昂開寶閒知池州始建學校興教化

南畿志

王哲字微之嘉祐中以學士知池州司馬光為作齊山記寄頌

其美

南畿志

劉子羽字彥修崇安人靖康中知池州以書抵宰相論天下兵

勢當以秦隴為根本

宋史本傳

楊元秉紹興中知青陽縣每事精覈羣吏縮手臺省不能屈以

私

南畿志

葉渙紹興中知池州申請招土人二千充守禦勇敢以備境內

由是沿江以安一統志

周南字南仲平江人紹熙中為池州教授講明正學以入偽學

籍罷一統志

黃子游紹興十九年知池州論青陽苗稅多於諸邑悉為蠲除

南畿志

陳昇卿乾道二年知青陽縣減南唐宋齊邱私增之賦南畿志

林桷字子長玉山人淳熙七年知銅陵縣晝日垂簾庭無訟者

以最增秩南畿志

許介高陽人淳熙十一年知青陽縣有惠政嘗建九華祠及去

民思之請於朝以介配享其中南畿志

趙方字彥直衡山人慶元五年知青陽縣告其守曰催科不擾

是催科中撫字刑罰無差是刑罰中教化人以為名言宋史本傳

潘銷長樂人慶元中知銅陵縣廉豪強者寘之法自奉清儉民

感化之一統志

王伯大字幼學福州人嘉定閒知池州尋召還端平二年復以

江東提舉常平兼知池州興學校拓貢院奏增貢額繕城浚池

葺齊山諸亭南畿志

葛書思江陰人調建德主簿有惠政時父密已老欲迎之官密

難之書思曰曾子不肯一日去親側豈以五斗移素志哉遂投

劾歸養宋史葛宮傳

張洽字元德清江人嘉定中通判池州有張德修者誤蹴人死

獄吏誣以故殺洽疑之請再鞫守不聽會提點常平袁甫至洽

言曰今天大旱焉知非由德修乎甫為閱獄遂從徒罪復白郡

請蠲征稅寬催科以召和氣守為寬稅三日果大雨宋史本傳增修

趙范字武仲衡山人寶慶中知池州以地介江潯藉鄉兵以備

不虞治城隍葺樓櫓有保障功一統志

焦煥炎字晦甫紹定閒差知池州兼沿江制置使奉省劄令逐

沿江流民不得寄住煥炎憫之為疏撫綏之策朝廷嘉納之江南通志

馬廷鸞字翔仲樂平人調池州教授以禮帥諸生宋史本傳

趙昂發字漢卿四川人咸淳十年權通判池州元兵渡江池守

棄官去昂發繕壁聚糧為守禦計明年元兵至都統制張林諷

之降昂發晨起書几上曰君不可叛城不可降夫婦同死節義

成雙乃與妻雍氏同縊元丞相巴延為具棺斂合葬祭墓而去

宋史本傳

蔡汝揆咸淳中知貴池縣盡心荒政真德秀薦之一統志

元陳伯奎天台人至元初為銅陵尹建學校表先賢士知嚮學

江南通志

程端禮字敬叔鄞縣人有經術篤於踐履傳朱子明體達用之

旨至元閒教諭建德增學舍以居生徒著讀書日程使學有師

法盡復學田之為民占者始田三百畝及受代增至一千畝元史

本傳

陳思濟字濟民柘城人池州路總管江浙行省平章也速答兒

威勢赫然摘淘金戶三千括民閒田畝檄下思濟上章力止之

卒諡文肅元史本傳

史午至元二十九年為青陽尹旌表節義以勵風俗南畿志

忻都蒙古人大德四年為達嚕噶齊監石埭縣舊制歲輸秋苗

二萬八千石皆本色轉輸山陂所費不貲都請改折色名輕齎

著爲令

江南通志

周應極字南翁鄱陽人至大間同知池州案無畱滯散羨賦還

民

江南通志

張士元字宏通延祐中爲貴池尹嘗平反殺人獄吏弗忍欺

江南通志

徐泰亨字和甫至順二年爲青陽尹邑舊有荒田千四百頃出

租稅泰亨募人墾闢其累始除有告四十人同發廩粟者吏欲

准盜論泰亨曰吾不忍其發粟求生而反抵死悉笞而遣之銅

陵人爭魚池三十年不決泰亨數語立剖

江南通志

蕭文孫廬陵人至元閒池州路經歷風裁峻整見義必爲建宋

趙公祠祀趙文節昂發夫婦著忠孝二史褒表人物

江南通志

王興祖字國珍吉州人至正七年爲池州路總管廉而惠下建

三賢祠祀范文正包孝肅趙文節碑石猶存

江南通志

朱白敏錢塘人池州掾治銅陵決許氏疑獄出三十二人罪

池州府志

上官凝邵武人元末爲銅陵尉秩滿有十數叟送之餽藥數器

至前路發視皆白金也追召其人語之曰吾奉法循理本非私

汝詎可以私終乎卒不受

江南通志

李宗可蘄州人至正十八年爲池州路判官陳友諒屢寇安慶

余闕命宗可權義兵萬戶統新軍守砦嘗橫槊入賊中殺傷甚

眾及城陷宗可馳還盡殺其妻子自刎死附葬余闕墓傍

一統志

池州府志

明王祖順洪武初知池州創制畢舉調度有方

南畿志

王希顏洪武十八年知池州府時有舍人劉蠻兒以解囚馳府

甬道直入廳事希顏擒治之狀聞太祖嘉其不避權勢遣使慰

勞

江南通志

趙安洪武二十一年知池州以廉能膺上考

南畿志

尹安茶陵人洪武五年知石埭勞來安集興學教士

南畿志

夏霖字民悅洪武中知建德縣勅建學宮御史劉天錫名其堂

曰忠勤並作忠勤堂記

一統志

孟常鄱陽人洪武中知石埭調建德邑多逋賦為擢節區畫以

償又力請於朝得減賦額萬計秩滿民赴闕乞留兩邑俱崇祀

一統志

江南通志

呂復衛輝人洪武末以國子生授東流典史勞於撫字後官工

部郎中

南畿志

翟溥福東莞人永樂初知青陽縣有惠愛近九華山虎恆為患

溥福齋戒移檄山神虎即殄

一統志

黃金蘭永豐人永樂中任貴池典史理繁劇有敏斷才洪熙閒

擢貴池知縣洞悉民間利病為次第興除之民親之如父母前

後凡十八年

一統志

商賓洛陽人洪熙元年以吏科謫知銅陵縣請聽民墾闢俟熟

而後賦之增額田以數千計秩滿銅民赴闕請留歷三考皆以

最聞

一統志

楊俊巴陵人正統元年知池州有惠政卒於官遺橐惟一琴

江南通志

通志

葉恩臨海人正統二年知池州府葺學宮興士類凡聽斷有關

大閑者系詩於牘尾以示勸誡人皆愧悟

南畿志

雷浩華容人成化三年池州同知不染一塵卒於官至無以為

斂江南通志

洪達涇安人成化四年知青陽縣為政仁恕重建縣廳江南通志

趙珪鄆縣人成化六年池州同知公平簡肅無敢干以私江南通志

王政字布德易州人成化十六年知青陽縣四境多盜嚴加捕

緝大葺學校製祭器購書籍邑東五阡圩患水溢為建三橋以

濟行者一統志

周源同安人成化十七年知石埭縣待已廉臨民惠遇災能卹

江南通志

楊季方番禺人成化二十二年知東流縣單騎之官强者置之

法察鬻子女者為贖還之江南通志

陳良器字彥成錢塘人宏治二年知池州內和外嚴聽斷明決

江南通志

言芳鄒平人宏治四年由知府左遷池州同知攜一僕之官謁

臺使不屈節而禮賢士若不及焉卒於官篋中止二袴餘俸五

星江南通志

祁司員山陰人宏治十二年知池州府吏民畏懷雖聲若不出

口而毅然有任重道遠之意政績炳然江南通志

錢瓚鄆縣人宏治中知青陽縣庭無奸吏士農各安其業會遷

秩老幼遮道不忍其去一統志

何紹正字繼宗涇安人正德九年知池州築銅陵五十餘圩以

備旱潦宸濠反攻安慶池人震恐紹正登陴固守事平遷江西

參政池人為立祠與宋包拯並祀明史湯禮敬傳

杜秉彝字淦涯永年人嘉靖二十九年知池州毀淫祠折節正

士水早有禱立應江南通志

詹萊常山人嘉靖三十六年池州同知劇盜章玉九等劫掠江

上萊悉擒之捐俸置趙文節祭田葺其祠宇江南通志

厲汝進灤州人嘉靖中池州推官執法不骫擢戶科給事首劾

大學士嚴嵩降典史江南通志

茅坤歸安人嘉靖中知青陽縣按豪強奸黠者寘重法民用帖

然一統志

陳萬言南海人嘉靖三十九年池州推官有風采景王之國闈

寺釋騷萬言每裁抑之署銅陵尤多惠政江南通志

楊茂青鄞縣人嘉靖中知貴池縣為政因土俗順時宜興廢皆

當民情江南通志引張時徹所撰碑銘

余初字復之涪安人嘉靖中知東流縣造黃冊均里甲平徭役

江南通志

徐衍慶永新人嘉靖中知貴池縣清介質實會章聖太后梓宮

返葬承天道經池郡衍慶趨辦夫役溽暑奔趨勤勞獨著卒之

日橐無斂資江南通志

鍾大賓字體嘉曲江人嘉靖三十八年知東流丈量田畝不失

尺寸定賦均平江南通志

劉孜江夏人嘉靖四年知銅陵縣景王道江上孜與推官陳萬

言經理夫役民以不擾立祠與陳並祀江南通志

陳子文字在中福建進士由麻城縣歷知池州府單車入境不

挈妻孥諸生願請業者親與講明經義福建通志新増

李得春鍾祥人嘉靖四十一年由禮科謫知石埭量田公平加

意士類民為立祠於仙壇宮江南通志

田登年忠州人嘉靖中知青陽縣有幹略時勅築縣城登年令

民照丁田自備甄石一月工具至今賴之一統志

李子躍東平人隆慶二年知石埭和而慤遇旱步禱赤日中對

稟禾流涕雨大注江南通志

姚孟賢字汝德慈谿進士授貴池令為政不事苛細惟以表揚

節義獎厲學校為先務浙江通志 新增

王頤字觀生沔陽人萬曆三年以南給諫知池州府公餘不休

私署於堂左構琴鶴堂寢處其內使客脯餼例取給於里甲頤

悉除之一切皆給市值佐兵憲繕城堞築千柳隄以備江警勞

卒無以為殯士民泣賻之江南通志

劉孟雷字靜之廬陵人萬曆十一年知池州廉猾胥十數人置

之法建興濟橋登青雲隄以通行旅備蓄洩江南通志

何思登蒲圻人萬曆二十年知池州府民有冤抑必為伸雪權

勢弗能撓尋遷副使單車襪被就道江南通志

劉潔貴池知縣政暇巡行郊野勸課農桑至今民享其利明統志

方遂京山人萬曆中由進士知池州易直子諒民依之如父母

尋調守開封老幼臥轍不得行江南通志

徐金星字玉垣鄞縣人萬曆中知建德縣遇歲饑賑活無算讞

獄平允大府薦疏凡十一上擢御史江南通志

張岐知貴池縣誠心愛人不利於民者極力以處之仕至廣

東左參議明統志

葉明元同安人萬曆中知石埭省浮費清滯獄請上官裁減差

使以節夫馬江南通志

陸階字五雲桐鄉人萬曆二十二年知石埭縣旱禱即雨革里

甲供億諸費罪罰皆從其寬卒於官貧不能斂士民為之經紀

喪事 江南通志

羅憲凱字元甫豐城人萬曆三十年知貴池清介不為鷺擊而人自憚之 江南通志

劉受書登封人萬曆中知建德端方愷悌嘗質米而炊訟不赴訊者聽之囹圄空虛吏胥多歸農畝 江南通志

徐一科字淪盈弋陽人萬曆中知銅陵歲大水諸圩盡潰乃勸築都埠長八十餘里民名之曰徐公隄 一統志

朱綱同知池州府廉介厚寬鞭朴不施民甚慕之 明統志

張燦垣字紫城成都人天啟末知貴池庭訊數十百人無不了輕徭減役 江南通志

何應明字署初晉江人崇禎五年知建德精於釐剔稍有餘羨即充各里逋欠 江南通志

吳禎建德知縣廉明仁恕以德化民民咸懷之 明統志

田瑞龍字蒼霖固始人崇禎七年知貴池流寇在境瑞龍募壯丁守禦尤畱心文學訪舉名賢 江南通志

王化澄金谿人崇禎中知青陽縣時軍需孔亟上官嚴檄催徵化澄於正供外悉汰羨餘勸民輸納上不誤餉下不累民以最報 一統志

王家柱字石卿江陵人崇禎十一年知青陽調貴池講求荒政至解章服市米以食餓者江北寇警繕治城堞訓士儲糧為備 江南通志

葉幹字伯貞金華人崇禎十四年知石埭楚帥舟師東下江上震動幹親率涇太青石四縣鄉兵扼龍口以備不虞四縣賴之 一統志

李際明字樵懷順德人崇禎十四年知建德杜苞苴贖鍰槩不
入私橐江南通志

向思敬貴池典史廉介有為致仕去士大夫贈言盈篋邑令冀
守愚詩曰歸心浩蕩鷗波闊宦況蕭條馬骨高江南通志

胡鯤化鹿邑人崇禎十六年知銅陵縣時過兵索餉鯤化以身
當之及左夢庚兵水陸并下親冒矢石城破被害訓導安東張

緯典史餘姚胡國瑄同死一統志

尹安知石埭縣時民因兵燹失業乃興學理財勞來安集逋民
復業明統志

程九萬湖廣人崇禎十七年以府知事署東流縣事乙酉叛將
楊么兒破縣死之江南通志

龐昌印西充人崇禎十七年知青陽縣未數月以治聞明亡行

至五溪服鵠卒縣人立祠祀之江南通志

國朝馬宏良本姓張名自昌字文寔昌平人順治二年以內院辦

事官隨督師洪承疇南下池州降即以宏良知府事時山谷負
固鎮池總兵于永綬欲殲之宏良請剿撫兼施兵之所指輒先

下令招降全活數十萬人既而山谷平百姓稍稍復業宏良存
撫備至復學校勸耕桑並約束守兵使不為民擾調知岳州池

人泣送數百里後官廣西布政使還家於池一統志

蔣應仔山陰人順治二年知銅陵縣時民被左良玉兵亂應仔
安集流散勸督農桑民漸樂業江南通志

蔡司霑福建南靖舉人知東流縣歲大旱請免賦一千八百六
十兩又請發穀九百餘石不足捐俸繼之福建通志 新增

劉日義遼陽人順治七年知銅陵縣時創夷初復諸廢未舉日

義築城垣修學宮建紫陽書院濬河道治街衢輯縣志百廢具

舉江南通志

岳申字汝南沔陽人康熙三年知貴池年將七十案牘皆手自
裁定嘗策一馬行郊原於陂塘圩堰處指示疏濬蓄洩之法布
衣糲食署中每至絕糧卒不能歸櫬畱葬齊山之陰民以時祭
墓不廢江南通志 池州府志

姚子莊字六康歸善人康熙五年知石埭縣首條錢糧六弊六
法行之編里甲均徭役置義塾十二所以訓民閒子弟咸德之

一統志

喻成龍字武功錦州人康熙初知建德縣累擢池守察吏安民
愛才育士終兩湖總督所至人稱小包公池州府志

汪元綬宛平人康熙十八年授池州府同知清介自矢嚴防禦

查汎守歲凶監賑全活者數萬江南通志

馬得貞介休人康熙二十一年知銅陵縣性剛介明於聽斷縣

多圩田每值水溢輒躬履圩岸率民增築隄防不辭勞瘁江南通志

李燦字君章奉天人康熙二十五年知池州減耗羨嚴保甲倡

修府學大其規模六邑皆如制又築貴池黃屯阪隄開銅陵洋

山磯路重建城南濟州橋起城東迴瀾書院終兩淮運使池民

赴弔者數千人一統志 池州府志

趙衍東陽人康熙癸丑進士知貴池縣邑多積逋弊由於總戶

催科者莫得其主名衍為按戶清注俾以實田辦實賦宿弊頓

除建縣廳事起學宮文昌閣用形家言作水德亭於城東城內

遂少火患江南通志

孫兆元字鼎文福建蒲城拔貢授銅陵知縣縣民積逋五千餘

金被繫累者無虛日兆元悉釋不問出私錢為分年代輸民構

卹民亭於署前盜誣采石民數十人當塗知縣不能決巡撫檄

兆元會鞠盡得冤狀縱之民為立生祠於采石磯五松山太白

書院久圯捐俸修葺月進諸生課以經藝詩賦在任十年頻遭

旱施米施粥全活者無算以病曠乞歸福建通志 新增

胡開京字遵王德清人授池州府通判攝宿松縣事革漕弊抑

豪強有民被殺而不得主名往驗察其妻與旁觀一人狀異得

姦殺情寘之法攝蕪湖篆值大水報災請賑設廠拯救無算又

攝建德除虎患盜緝民安浙江通志 新增

李英直隸人康熙閒知池州府廉明慈惠加意人才卒官不能

歸士民葬之百牙山後池州府志

吳節民溫陵人雍正閒知池州府勤恤民隱嘗築金斗圩於三

台墩至今利賴池州府志

裘君弼字展臣江西新建進士康熙四十一年任建德知縣持

躬清介斷獄明決勤撫字賑災黎重葺書院嘉惠寒畯嚴保甲

練鄉勇捕獲鄰境盜匪殆盡民以安堵在任八載擢刑科給事

中民懷其德建生祠於雲龍閣側尋奉準祀名宦祠建德縣志 新增

史知義直隸人乾隆閒通判池州權府事謹約自守不可干以

私易簣時口占一聯云一官已矣敢云盡瘁賢勞四壁蕭然庶

幾傳家清白可以想其大概池州府志

莊經畬字念農武進人乾隆閒知建德縣正己率物不剛不柔

遷泗州知州甯國知府所至皆有聲建德縣志

陸壽昌字臯岡陽湖人乾隆閒東流訓導以詩書教士多所成

就時人比之鄭虔東流縣志

張士範字仲模蒲城人乾隆閒知池州府愛士愛民親課耕讀
歲饑有柯姓貧民聚眾掘土於官山冲讎家以為煎礪控至大
吏大吏欲窮治之士範曰此土俗名觀音粉窮民掘以充饑非
礪也不信士範取塊吞之獄乃止貴池縣志

張開士浙江錢塘人乾隆七年知銅陵縣慈惠愛民遇災請賑
親歷災鄉躬自給發耗折則以俸足之全活無數銅陵縣志

萬紹熙福建晉江人乾隆九年知東流縣修學宮建左右兩坊
濬河修隄以資蓄洩建祝家磯天然塔立天然書院課士士風

不振東流縣志

單作楚府志字侗夫乾隆閒池州同知署府事聽訟明決胥吏

喘喘奉法紳士進謁張髯危坐不可干以私訪民間利病斟酌

次第行之其時夜戶不閉幾致刑措池州府志 貴池縣志 增修

李祖謨南豐人乾隆五十三年知貴池縣懲猾役嚴緝捕在任

二載編戶晏安尤愛士貧而能文者時衣食之以外憂去任後

以緝匪殉難貴池縣志

郭維直隸武強人知東流縣案無積牘建菊江書院課士代解

舊欠馬稻數百石民尸祝之東流縣志

郭如岐河南人知石埭縣有善政重建長林書院工大用鉅人

咸難之如岐慨然捐俸為士民倡逾年告成石埭縣志

許起鳳浙江昌化人知建德縣初下車見學宮移建費用不貲

即設法勸輸卒竣其事每朔望集多士於署仿鄉試考校法環

階布席供給用備衡文親定甲乙拔前茅者榮於登賢書焉建德縣志

縣志 以上舊志

蔡炯字雲橋江西德化人嘉慶丙辰進士由內閣中書游升御

史二十一年任池州府知府案無畱牘有清名建興濟橋築翠

雲隄皆捐廉為倡又飭知縣盧元璫籌款重修貴池節孝祠元

璫字湘槎江蘇元和拔貢歷桐城天長貴池知縣稱老吏云

萬惇裕堂集

以下新修

嚴樾字墨莊廣西柳州府舉人道光二十一年任銅陵知縣是

年水潰都埠樾請以工代賑分段興修豁除開挖田畝差糧著

有銅官事宜又捐廉在縣東北十五里之河口橫築土壩截禦

山洪壩上下建石斗門二以時啟閉用資宣洩名曰雙斗門壩

士民德之二十五年調建平縣三十年祀名宦祠都埠者明知

縣徐一科所築長八十餘里保障江村嘉興仁豐數十圩為銅

陵濱江要工乾隆時知縣單履中周萬齡胡元鼇閻秉升道光

時知縣孫榮胡邦輔許道藩孔傳藤迭次修築改建至嚴樾所

修較前高廣焉其後知縣福海辛本旃官霖等並累次修復均

有裨於民生

銅陵縣志

陳源充字岱雲湖南茶陵州人由編修授江西知府憂歸服闋

揀發安徽補池州府知府咸豐三年冬髮逆犯廬州府十一月

十日巡撫江忠源至廬源充先已奉檄在城遂同守禦迭次繼

師出戰殺賊甚眾旋以餉匱援絕堅守三十餘日城陷與江忠

源等同死之奉

旨贈卹祭葬祠祀龔廕如例

憫忠草

王開貽字鶴舟河南光州舉人道光三十年任建德知縣愛民

息訟捐廉課士咸豐三年辦團助餉冬城陷往徽州請兵復之

四年秋督勇登陴禦賊城陷力戰死之

建德縣志

丁金銘順天大興監生祖籍浙江山陰縣以未入流分發安徽

道光二十三年補建德縣典史咸豐二年代理永豐鎮巡檢辦
圍堵隘緝匪安良十一年冬帶團禦賊守建德城不避矢石身
受重傷旋卒照傷亡例廕襲雲騎尉妻陸氏先於咸豐三年殉
難奉

旌表

冊司

十日
...

重修安徽通志卷一百四十五

職官志

名宦九

太平府

漢荀淑潁陰人安帝時遷當塗長去職還鄉里後卒縣為立祠
後漢書本傳

吳陸遜吳人丹陽賊費棧扇動山越權遣遜討棧棧支黨多而
主兵少遜乃益施牙幢分布鼓角夜潛山谷聞鼓噪而前應時
破散三國志本傳

晉胡毋輔之字彥國泰山奉高人性嗜酒永昌中為繁昌令始
節酒自厲甚有能名晉書本傳

江漢永嘉初為丹陽太守擊破賊陸宮等一統志

齊邱仲字公信吳興人永明時補于湖令有能名太守呂文顯當時倖臣陵詆屬縣仲孳獨不為屈梁書本傳

梁郭祖深襄陽人普通七年改南州津為南州校尉以祖深為之公嚴清刻搜檢姦惡不避強禦常服故布襦素木案食不過一肉絕於干請江中嘗有賊祖深自率討之遂大破賊威振遠

近長江肅清南史本傳唐張邈為郡司功參軍卻請託屏遺贈開元以來良吏邈居其一有寒松貞玉之操良吏記

李陽冰字少溫廣漢人寶應初為當塗令李白來依之贈詩云華邑艱難時浮雲空古城居人若薙草埽地無纖莖惠澤及飛

走農夫盡歸耕廣漢水萬里長流玉琴聲雅頌播吳越還如秦階平唐書文藝李白傳太白集

宋宋準字子年雍邱人開寶六年知平南軍會改軍為州依前知州事準美丰儀善談論居官所至皆有治聲宋史本傳

王知微字幾之仁宗時以祕書丞知當塗縣時築萬春圩工役甚急知微請俟農隙使者始不悅久乃信重之南畿志

夏希道字太初慶厯間令繁昌邑陋民貧希道至惠愛多方日以生聚修舉廢墜規模一新南畿志

何述字明道浦城人為當塗令邑瀕江歲多水患述為築隄捍禦之南畿志

施昌言字正臣靜海人知太平州上政論三十篇宋史本傳汪汝則字叔方宣和初除蕪湖縣丞以助平方臘功改衢州士

曹時廷臣奏對有論及守令人材者上曰使人人如汪汝則何患不治南畿志

重修安海縣志 卷之四十五 職官志 名宦 太平府

郭偉建炎初知太平州金兵攻采石及蕪湖偉力戰敗之舊城跨姑溪上下立柵偉改築新城割姑溪於城外以便守禦一統志

周葵字立義宜興人宣和元年調徽州推官高宗移蹕臨安諸軍交馳境上葵應變敏速千里帖然紹興中知太平州事水壞圩隄葵悉繕完市河久湮令城中家出一夫官給之食併力濬

導公私便之宋史本傳 增修

錢文字文叔紹興初為當塗尉嘗有所捕獲敘勞當進秩力辭之為人言溫而氣和居官饒粥不繼心常晏如當塗縣志

張運字南仲貴溪人紹興中移貳濡須金人犯廬壽大將駐兵拒之運給餉未嘗乏絕三十二年知太平州當兵饑疾癘之餘殫勞徠安集之方嚴斥堠攻守之備理財賦造戰艦繕甲兵申

禁令民賴以安宋史本傳 增修

曾覺晉江人紹興末令繁昌歲饑發廩賑給又捐資修葺學宮

南畿志

虞允文字彬甫隆州人紹興三十年葉義問督江淮軍允文參謀軍事時敵兵四十萬宋軍纔一萬八千允文部分甫畢敵已

抵南岸士殊死戰日暮未退會有潰軍至允文授以旗鼓從山後出敵疑援兵至始遯明日復大戰焚其舟三百隆興元年以

敷文閣待制知太平州宋史本傳舊制民舉子納添丁錢歲額百萬貧民生子多不育允文為措置官項代補自後戶口日增舊志 增修

吳芾字明可仙居人乾道三年知太平州造舟以梁姑溪歷陽築者久役潰歸聲言欲趨郡境芾呼至城下厚犒遣之而密捕

倡亂者繫獄以聞宋史本傳

楊倓字和義淳熙三年知太平州學宮祭器用錫倓易以銅重

建四齋令秀民肄業其中精選師儒以司訓導甫期年行藝皆

斐然可觀

南畿志

洪邁字景盧樂平人淳熙十五年知太平州事政尚寬簡民皆

向化郊產異麻狀若靈芝

南畿志

李椿字壽翁永平人初為甯國軍節度推官吏才精強人稱之

淳熙五年知太平州力圖上流之備請選將練習緩急列艦上

可以援東關濡須下可以應采石

宋史本傳

趙汝愚字子直紹熙元年知太平州存心仁厚持身潔白廣收

賢能大有政績吏民懷之

南畿志

趙希懌字伯和燕王八世孫知太平州希懌為倅日習知其民

利病遂捐市價減榷醕額以蘇民力

宋史本傳新傳

趙汝勣宋宗室慶元三年為當塗令年饑穀貴汝勣開倉散米

萬斛一邑全活事聞詔他郡倣行之

宋史本傳

王習之三山人嘉定中為繁昌令學校壇壝驛傳無不修舉

南畿志

馬光祖字華父金華人寶慶中知太平州兼提領茶鹽寬養民

力興廢起壞知無不為

明統志按宋史本傳寬養民力三句是知建康府事

王居安字資道黃巖人嘉定初知太平州歲儉汰去軍羣聚寇

攘居安威惠流行晏然若無事時副將劉佑為怨家詣闕告密

置獄金陵佑自誣服居安以書抵當路辨其冤事果白

宋史本傳

徐鹿卿字德夫豐城人為江東轉運判官歲大饑出本司積米

三千餘石減半價以糶又減典當庫息出緡錢萬七千以與貧

民勸收字遺孩日給錢米制置鹽茶岳珂罷以鹿卿兼領太平

弛苛政蠲采石蕪湖兩務蘆課江東諸郡蝗入當塗境鹿卿露

香默禱忽飄風大起蝗悉渡江宋史本傳增修

牟子才字存叟井研人寶祐三年知太平州首教民孝弟以前人慈竹義木二詩刻而布之間詣學為諸生講說經義修采石戰艦百餘艘造兵仗以千計前官負綱錢七十萬緡悉為補之蠲黃池酒息及秋苗畸零夏稅畸零紬帛絲棉麥各若干郡有平糴倉以米五千石益之又以緡錢二十五萬創抵庫歲收其息以助糴本建李白祠自為記宋史本傳

元白斑字廷玉錢塘人至元二十八年太平路學正時兵燹後學宮齋廡祭器俱廢斑依制修葺建天門采石二書院江南通志暢師文南陽人至大中太平路總管時大旱師文捐俸致禱澍雨大降遂為豐年當塗人坐殺牛祈雨囚繫六十餘人師文憫而出之公田米積盈屋呼貧士及細民恣其取去雖在任未久

而境內之民晏然一統志

歐陽元字原功瀏陽人延祐初為蕪湖尹縣多疑獄久不決元察其情悉為平反貢賦徵發及時民樂趨事教化大行蝗不入境元史本傳

賈煥字華甫開封人泰定初太平路總管歲饑募粟分賑建壇壝修學舍築石城濬尚書塘江南通志

王惟中字擇卿懷孟人泰定三年為當塗尹會水潦旱蝗相仍惟中捍隄禱雨捕蝗無暇晷以禮義感富民令出粟分賑全活甚眾江南通志

浦源字以淵長洲人泰定中為蕪湖尹境內大水募粟賑給會郡發廩米千石令減直以糴源謂民有錢可糴則不饑矣盡以米濟之語同列曰郡有責吾獨償不以累諸君也江南通志

倪淵字仲深烏程人泰定中授當塗主簿先是延祐初縣尹經理田土考覈失實令淵署篆乃分畫編次為圖籍釐隱匿除增加眾大悅歲祲四境上災狀郡戒縣勿受淵爭之不得即日求解組去郡守驚悟遣吏謝即委以檢視淵躬履阡陌稽實蠲稅民賴以蘇江南通志

高昭字仲章濟州人至正閒太平路推官除患興利有能聲猾吏甘姓挾重貲為民患昭窮治其罪太平府志

張兌字文悅至正閒為當塗尹善聽訟能使人開悟往往自慙而退當塗縣志

靳義字處宜河南人至正十二年守太平寬仁勤敏溧水彭賓等倡亂分道來寇義列營要害且戰且撫賓等皆敗降明兵渡采石義赴水死一統志

明許瑗字栗夫樂平人明初知太平府厲士卒修城池撫黎庶陳友諒以兵十萬來攻瑗偕樞密院判王鼎守將花雲堅壁拒守城陷皆死之明史花雲傳

黃朝弼明初知蕪湖縣蕭然類寒畯公務雖冗退必讀書去官士民爭釀金為贖不受惟出所攜書一篋易鈔而行南畿志

吳聰湖州人明初蕪湖縣丞性至孝嘗畫海雲南望圖懸於壁民有不得乎親者痛治之復泣語曰吾以不得侍親為憂汝幸在膝下何為不孝聞者感悔廣興記

王俊字用章永平人洪武五年知當塗出俸錢創建邑學不足則售其家田園助之以德化民濟以威嚴江南通志

周鑄洪武中知繁昌縣撫民寬而律已嚴擢御史江南通志
孟廉洪武中知當塗縣坐事與縣丞趙森同逮獄者民具列善

政詣闕以請遣還任

江南通志

顏宣永樂中令繁昌修縣廳建城隍廟禱雨即應

江南通志

黃城合浦人宣德七年授蕪湖教諭規矩嚴整與訓導廖謹同

心教士

江南通志

盧忠字以誠漳州人正統初授太平府學訓導日進諸生講解寒暑不輟巡撫薦其才堪戎伍上曰與其戎伍得人何如學校

得師

江南通志

張崑字具瞻上虞人初授宣城教諭正統三年巡撫周忱薦知當塗題畫梅一絕贈之云疏影橫斜出泮池一甌清冷最相宜彈琴卻傍青山去百里春回在此時崑莅官清勤黷官縣治譙樓驛傳橋梁道路修葺一新簿書填委暮必至學舍省諸生勤惰歷官荊州知府

江南通志

李慶景泰末知繁昌縣治濱江數有水患慶建議內遷

江南通志

周鳳字文祥汲縣人成化九年知太平府衣食寒素不以家累

自隨嘗疏通市河郡人便之

江南通志

唐詔陽信人成化中同知太平清謹簡易吏民愛服卒於官遺

書數卷他無長物

江南通志

劉憲字廷式孟陽人成化閒知蕪湖百廢具舉遷潛港驛於縣

市遷河口鎮巡司於潛港邑人便之

江南通志

徐禮字敬先餘杭人成化中令繁昌建社學起鋪舍弊除利興

尋擢御史

江南通志

包義民字滄夫合浦人成化末知繁昌撫下寬仁尤毅然有守不喜飾廚傳以媚上官會以憂去士民惜焉

江南通志

徐節字時中壽昌人以御史出知太平建學宮修郡志造浮橋

均郵遞民閒失火節奔救禱天火隨滅會觸直指怒突至府清庫并檢內宅僅得敝衣數事直指歎曰如此賢太守安用撫按為特疏薦之江南通志

張伯祥字元吉鄞縣人宏治中知蕪湖勤郵民隱有古循吏風縣學舊無尊經閣為經營創建功成而民不擾江南通志

趙文奎字壁仲江陵人宏治閒知繁昌建旌善申明亭修壇壝瞻孤寡江南通志

趙祐字汝翼雙流人宏治中知繁昌重農勸學政肅獄平隣邑訟不得直多求聽斷尋擢御史江南通志

底蘊字希準廣甯人正德閒以給事中出知太平府明爽愷悌建養濟院江南通志

林有年字以永莆田人正德初知繁昌廉而有才以課最擢御

史江南通志

李永蕃字貽錫永興人正德中知當塗振興士類繕築圩隄均徭除羨決訟如流江南通志

汪本字惟中浮梁人正德閒知蕪湖流寇猖獗客兵四集本悉心籌畫軍需不缺民無所病江南通志

王軾字子敬揭陽人正德十五年知蕪湖甫下車值宸濠之變中官擁兵作威福僚屬逃匿軾身當之芻糧委積咄嗟而具江南通志

郭湍莆田人正德中太平府學教授拔諸生之秀者讀書齋中夜分省其勤惰或煮茗炊粥佐之正德己卯嘉靖壬午乙酉三

科貢士皆出其門江南通志

林鉞字宏甫晉江人嘉靖中知太平府興賢造士養老卹孤嘗

築姑溪壩建亭其上由是姑水潑折不苦衝決江南通志

馬森字孔養嘉靖中知太平府歲祲出官粟數萬斛以活民善

讞獄鄰郡有冤抑俱願就決江南通志

陳璋字圭仲光州人嘉靖中授太平同知勇敢多才長於應變

倭賊蕭顯破上海操撫交薦璋能辦賊命同蘇州同知任環統

兵籌畫璋上禦倭十二事從之七月破顯斬首千餘級寇遯江南通志

李价番禹人嘉靖中知當塗縣雅負通才為政專尚寬簡禮賢

敬老周卹無告尤加意庠序士民皆愛服焉江南通志

王德溢字懋中連江人嘉靖中知蕪湖徭役里甲與江夫事宜

裁處悉當江南通志

張永明字衷誠烏程人嘉靖間知蕪湖廉慎公平時章聖太后

梓宮南附道經江上中貴多所誅求永明委曲劑量供應悉如

禮制民賴以安子天德產於蕪署後成進士復為蕪令有惠政

邑人顏其堂曰繼美江南通志

陳一道字邦緒晉江人嘉靖間蕪湖丞倭寇犯江上奉檄南陵

防剿臨敵眾潰一道獨奮勇殺賊以勢孤遇害家人子義赴援

亦死事間贈一道應天通判子義應天經歷立祠縣治東祀之

江南通志

錢立字守禮仁和人初授刑部主事海瑞言事繫獄立謹視之

得無恙萬曆二年知太平府築蕪湖城勅官圩東石隄四十里

遷當塗學宮於城南江南通志

王貽德字師禹全州人萬曆中知太平府門無私謁郡齋可羅

雀時詔居官廉介者特賜宴賚貽德名居第一江南通志

王繼明字用晦永嘉人萬曆閒由當塗令歷知太平府秩滿瀕行餘俸二百金悉散給貧乏抵家無擔石儲所居不蔽風雨江南

通志

何士林字翹甫富順人萬曆二十九年知太平府歲頻水土林糴穀分賑又刻木為隸閭井不聞追呼復馬政增其價值民免

貽累

江南通志

馬重德字瑞軒遼陽人萬曆中太平通判以廉能屢署上考攝篆當塗及權權關蕪湖均有惠政江南通志

蔡時鼎漳浦人御史建言降典史萬曆中遷太平推官讞獄一

以仁恕署府篆歲稔請於撫按築隄開糶江南通志

李春熙字皞如建甯人萬曆中太平推官不以擊斷為能署篆

當塗禁句攝緩徵徭拓儒學基址築姑溪壩買田為增修費視

事裁數月所興革皆切中利弊江南通志

王萬祚字君錫臨海進士釋褐當塗令甫至先問大姓主名為

積害者得若干人悉法治之諸豪屏息革羨耗嚴保甲政聲大

著浙江通志 新增

章嘉貞字元禮德清人萬曆丙申知當塗歲稔疫死者載道嘉

貞賑饑施藥暑雨不輟大水圩岸將崩躬督捍救經月露宿水

愈溢泣曰隄潰民其魚矣無民奚以令為躍入巨浸中若有物

翼之者眾亟挽以上得不死水漸平隄得無恙江南通志

鄧光祥字日昌曲江人萬曆閒知當塗建天門書院集多士肄

業其中江南通志

朱汝鼈字雨化長興人萬曆閒知當塗條畫築圩十五則曲盡

其利釐別里甲積蠹廉邑大憇寘之法建集賢樓大成坊江南通志

葉繼美字含章嘉善人萬曆中知蕪湖廉明剛果下車即遷學宮於金馬門吉陟尋擢給事中江南通志

勞永嘉字無施崇德人萬曆三十年知蕪湖不諂事上官送迎幾廢歲時遣吏問民疾苦以時存卹江南通志

曾表字資銘東莞人萬曆中知蕪湖縣牒訴喧沓表目視耳聽手批口答一時并舉了無錯謬百姓畏而愛之江南通志

鄧一儒沔陽州人萬曆中知繁昌待士有禮撫民有恩馭吏有法救荒必實決獄不爽江南通志

王柱字克中長沙人萬曆三十八年知繁昌歲頻饑捐俸設粥復勸富家出粟助之諭民增築圩隄躬為督察建橫塘河口二壩以資蓄洩江南通志

胡爾慥字孟修德清人萬曆間知太平府濬河建關節費代餉

江南通志

李若訥字季重臨邑人萬曆末知太平府禮士勤民江南通志

陳善道字敬甫華亭人萬曆末當塗教諭對諸生藹若家人不受貧士餽遺且推解之性至孝丁母憂哭踊幾殞去之日諸生泣送者二百餘人江南通志

晏清字元州黃岡人天啟元年知蕪湖廉介明允尋調吳江百姓請畱吳吏來迎至相爭於路不得行再宿然後去江南通志

鄭瑜字昆石東莞人崇禎時知太平府正己率屬一時撫按監司皆知敬禮歲饑發廩不繼捐俸飲之仍諭富室出糶左良玉

兵南下瑜嚴加守備增城浚濠屹然無恐江南通志

徐養心字無所江陵人崇禎六年知當塗流寇屠和陽難民數千聚江干無舟不得渡賊且近呼號將赴水養心望見曰鄰民

猶吾民亟命船盡渡之姑孰無備眾心危殆養心令沿江徹夜

張炬礮聲不絕賊懼乃退尋擢御史江南通志

梁應材字瑤石陽春人崇禎時知蕪湖每晨出視事必焚香告

天誓與百姓興利除害訟獄無擾徵斂不苛學舍久圯經營修

建江南通志

張繼曾字省之清江人崇禎十年知繁昌先是邑令羅明祖嘗

議築城未果繼曾次第經營身先督察功成而民不擾江南通志

井焜字虞章霸州人崇禎十二年知蕪湖每春親歷村社勸課

農桑時江北流寇猖獗焜修城堡為防衛計躬自措辦不取諸

民民恃以無恐江南通志

國朝張京澤州人順治二年知當塗縣清操節儉飯脫粟服御無

華飾為政簡易折獄明敏自輯讞語為琴餘錄徵收田糧正額

外不畱耗羨民咸德之擢工科給事中一統志

呂秉忠遼東人順治初同知太平時土寇竊發有司多羅織無

辜秉忠分別解釋全活甚眾金聲桓叛以秉忠守江不得渡後

遷知府巡按寶蔚分俸餉之始得治裝太平府志

范為憲字眉生內江人順治三年知繁昌縣土寇千餘人薄城

下憲率眾登陴面中流矢不少動指麾勇士從城南隅出力戰

殺賊賊驚遯事平士民有為仇家所陷以賊案株連者憲力為

申雪悉荷全宥一統志

劉震龍字駕甫莆田人順治間舉人知繁昌縣敝衣蔬食一介

不取里役陋規革除殆盡凡讞獄片言決遣蠹猾斂跡會部使

者清丈江洲震龍躬冒霜雪奔走蘆葦中絕不假手胥吏以故

繁邑獨無增課之累以疾卒於官士民醵金為賻始得歸葬一統志

志

林中瑜遼陽人順治三年以副將鎮太平奉檄討賊麻姑港口
數立戰功郡東盜起中瑜馳擊之馬陷破於陣一統志

張邦奇字震軒遼東人由浙東監司左遷知蕪湖廉介平允自

奉粗糲五年如一日江南通志

畢高選字萬青萊州人順治閒蕪湖丞勤於吏治每邑有大事

輒毅然自任不避艱險斷決疑獄摘發如神嘗修葺學宮兩廡

集邑弟子肄業其中出俸錢廩給之江南通志

盧化字鯤浪福建永定舉人知繁昌縣釐剔催科積弊不事鞭

扑而逋累一空境內荒稔競糴者幾至攘奪化勸富戶傾困出

糴民遂安輯福建通志

柯潮字于韓福建莆田舉人知當塗縣當塗正賦外另有耗羨

千餘金民不堪累有逃者潮申請裁革吏胥白以公費莫出潮

曰公費饒吾民德矣卒去之於是轉徙者咸復業奉檄賑來安

按名分給無冒濫時方沍寒凍餒交迫復捐貲購襦以給其窮

且老者委賑廣德亦如之諸生有寒苦自愛者歲晚餽以薪米

福建通志

柯可棟字平若福建晉江進士授繁昌知縣秋禾將登飛蝗入

境可棟設法撲滅又禱於神忽雷雨大作蝗盡墜水死任事三

載卒於官福建通志

淡如水陝西大荔人知蕪湖縣遇旱蝗步禱山神長跪為民請

命是夕雨大注蝗皆抱蘆葦死蕪湖縣志

陳聖修浙江山陰人知蕪湖縣折獄明允多善政民呼為生佛

蕪湖縣志

吳嗣蕙江西新建人知蕪湖縣廉潔自守以興利除弊為己任卒於官貧無以斂蕪湖縣志以上舊志

陳雲字遠雯宛平人乾隆癸丑進士及第授編修嘉慶十二年任太平府府有石臼湖中流湖北屬當塗南屬高淳先是高邑

楊姓越界侵占與當塗生員居謙控爭雍正八年經官勘定斷歸居姓立碑分界溝上所謂湖場是也及是兩縣民復爭湖場

久不決雲力據界碑當塗民得直訟遂解十九年以疾去官道光五年再任重建翠螺書院請撥官洲租息為膏火改築平湖

埂創設育嬰堂善政甚多卒官民立木主祀之當塗縣志以下新修劉鴻翥字漢儀山東濰縣進士嘉慶二十五年任蕪湖知縣政

尚慈祥鞠獄不忍加刑民感之訟亦衰息蕪湖衝繁多虧累鴻翥儉苦自奉不為利誘改教職去官囊橐蕭然縣人遮道泣送

之蕪湖縣志

顏爾輯廣東拔貢道光三年署太平知府先是當塗有土豪結黨擾害地方爾輯下車訪獲數人置於法境內肅然當塗縣志

蔣兆鴻江蘇吳縣監生道光中任蕪湖知縣辦災賑心力俱瘁遂咯血調任蒙城有治績十九年懷遠災兆鴻奉檄往勘感疾卒官囊橐蕭然蔣彬蔚行狀

陳文述字雲伯錢塘舉人揀發安徽知縣總督鐵保奏畱河工補江都有治蹟時人集其判事為陳公斷案一書母憂歸道光

二十年選繁昌知縣地瘠多水患經畫至廢寢食海疆軍興難民來繁昌者安輯靡遺疏河築城民以安堵二十四年秋旱祈

雨感暑得疾明年春卒官著有頤道堂詩文集碧城仙館詩鈔長洲謝承恩撰陳文述傳

張廷槐字蔭三江西宜黃副貢咸豐元年署繁昌知縣三年春
粵匪東竄廷槐募勇團防堅壁清野十二月擊賊南城手然巨
礮卻之北城旋陷巷戰力竭死繁昌縣志

王乃晉字小裴順天人任太平府經歷督修當塗大官圩隄在
工百餘日隄賴完固咸豐三年署當塗縣事時兵警土匪起乃
晉嚴緝捕杖殺數人始定尤留意文教捐廉課士周卹貧生四
年以失守鐫職畱任十年調署宣城八月城陷死之

恩卹世襲雲騎尉當塗縣志補纂

朱含章太平府經歷咸豐九年從巡撫守定遠縣城陷死之照
陣亡例

予卹定遠縣志同書奏案

劉世墀字桐陔漢陽人由附生從總督曾國藩征剿海保知縣

同治元年署蕪湖縣訓練五團二年擊賊於查家灣敗之民賴
安堵旋以母憂歸送者塞道蕪湖縣志

重修安徽通志卷一百四十六

職官志

名宦十

廬州府

漢王景字仲通訥邯人建初八年為廬江太守先是民不知牛耕地力有餘食常不足景驅率吏民教用犁耕又訓令蠶織為

作法制皆著於鄉亭

後漢書本傳

應融字義高汝南人守廬江八年有惠政

漢紀

范式字巨卿金鄉人順帝時為廬江守有威名

後漢書本傳

羊續字興祖太山平陽人桓帝時廬江太守會黃巾賊攻舒焚燒城郭續發男子二十以上皆持兵勒陳其小弱者使負水灌火力戰大破之安豐賊戴風等作亂續復擊破斬首三千餘級

生獲渠帥其餘黨貸與佃器使歸農業後漢書本傳

盧植字子幹涿郡人靈帝時拜廬江太守深達政宜務存清靜

宏太體後漢書本傳

陸康字季甯吳人靈帝時廬江太守申明賞罰擊破賊黃穰等

袁術遣孫策攻康康固守受敵二年城陷病卒後漢書本傳

魏劉靖馥子黃初中遷廬江太守詔曰卿父昔為彼州今卿復

據此郡可謂克負荷者也靖為政初雖如碎密終於百姓便之

有馥遺風魏志劉馥傳

張特涿郡人守合肥新城及諸葛恪圍城將陷乃謂吳人曰此

城中尚有半人不欲降我當還相語之且持我印綬去為信吳

人聽其辭而不取其印綬不攻特乃夜出諸屋材柵補其闕二

重明日乃謂吳人曰我但有鬪死耳吳人大怒進攻之不能克

遂引去三國志少帝紀注

吳顧雍吳人州郡表薦弱冠為合肥長有治蹟三國志本傳

呂蒙汝南富波人魏使廬江謝奇為斬春典農屯皖蒙曰皖田

肥美若一收熟彼眾必增宜早除之於是權親征皖破之嘉其

功拜廬江太守三國志本傳增修

晉華譚字令思廣陵人永甯中廬江內史時石冰之黨陸珪等

屯據諸縣譚遣司馬褚敦討平之又遣別軍擊冰都督孟徐獲

其驍率以功封都亭侯晉書本傳

陶侃鄱陽人徙家尋陽廬江太守張夔召為督郵領縱陽令有

能名遷主簿會州部從事至郡欲有所按侃曰若鄙郡有違自

當明憲直繩不宜相偏若不以禮我能禦之從事即退晉書本傳

陳荀朗字深明潁陰人侯景之亂朗招率徒旅據巢湖聞簡文

授朗豫州刺史令與外藩討景朗更招致部曲至數萬人侯景

敗於巴陵朗出濡須截景破其後軍陳書本傳 增修

隋韓擒虎東垣人開皇初高祖潛有吞并江南之志以擒虎有

文武才用夙著威名於是拜為廬州總管委以平陳之任甚為

敵人所憚及大舉伐陳以擒虎為先鋒擒虎率五百人襲采石

守者皆醉遂取之進攻姑孰半日而拔次於新林江南父老素

聞其威信來謁軍門晝夜不絕隋書本傳 增修

唐賈深長樂人乾元中廬州刺史有文武才略推心馭下治有

嘉績李華崔公 德政碑

李翱字習之廬州刺史歲旱疫亡籍口四萬權豪賤市田屋而

寰戶仍輸賦翱下教使以田占租收豪室稅萬二千緡貧弱以

安唐書 本傳

鄭繁字蘊武廬州刺史黃巢掠淮南繁移檄請毋犯州境巢為
斂兵州獨完歲滿去羸錢千緡藏州庫後他盜至終不敢犯鄭

使君錢唐書 本傳

五代周宋琪薊人周世宗時金陵歸款趙贊鎮廬州表琪為觀

察判官部有冤獄琪辨之免死者三人宋史 本傳

宋謝惟士陳畱人建隆初以大理評事出為廬江令江淮新定

繕修縣治撫綏士民境內以安南畿 志

何蒙洪州人太平興國中通判廬州時火燔廨舍權務俱盡蒙

假民器貸鄰郡麴米為酒既而課入增倍戶部使上其狀詔資

緡錢獎之宋史 本傳

陳堯佐字希元閬州人嘗知壽州歲饑出俸米為糜粥食餓者

吏人悉獻米至振數萬人徙廬州以方嚴東下使人知畏而重

犯法至其過失多保佑之宋史本傳 歐陽修 增修

劉筠字子儀大名人再知廬州臨事明達治尚簡嚴宋史本傳

劉綬字居正廬鄉人眞宗時知廬州強敏有吏材所至挫抑豪

右振舉文法宋史本傳

陳希亮字公弼眉州人仁宗時執政欲以爲大理少卿希亮願

得一郡以自效乃以爲宿州州跨汴爲橋水與橋爭常壞舟希

亮始作飛橋無柱以便往來皇祐元年盜起宛句以希亮爲曹

州悉擒其黨淮南饑安撫轉運使皆言壽春守王正民不任職

坐免詔希亮代之轉運使調里胥米而蠲其役凡十二萬石米

翔貴民益饑希亮至除之且表其事旁郡皆得除久之徙知廬

州虎翼軍士屯壽春者以謀反誅遷其餘數百人於廬皆自疑

不安有竊入府舍將爲不利者希亮笑曰此必醉耳貸而流之

盡以其餘給左右使令守倉庫皆感德指心誓爲希亮死宋史本傳

增張田字公載澶淵人嘉祐末知廬州治有善迹嘗作清賢堂繪

古昔清刺史像晨夕拜之宋史本傳

楚建中字正叔洛陽人仁宗朝以天章閣待制出知無爲軍廉

靜不擾去後民立祠祀之明隆慶廬州府志

傅堯俞字欽之鄆州人由侍御史出知和州通判楊洙問曰公

以直言斥居此何爲未嘗言及御史時事堯俞曰今爲郡守當

宣朝廷美意而反追言前日之闕政與誹謗何異徙知廬州司

馬光嘗謂邵雍曰清直勇之德人所難兼吾於欽之見焉宋史本傳

增王質字子野莘人由壽州徙知廬州盜殺其徒并貲而遞捕得

重修安微通志 卷一百四十六 職官志 名宦 廬州府

之質論盜死大理以為法不當死質疏上不報請監舒州靈仙

觀逾年韓琦知審刑院請盜殺其徒非自首者勿原著為令於

是鄭戩葉清臣皆言質非罪且稱其材宋史王祐傳

孫覺字莘老高郵人神宗時為合肥主簿歲旱州課民捕蝗輸

官覺言民方艱食若以米易之必盡力是為除害而享利也守

悅推其法於他縣熙甯二年詔知諫院青苗法行覺條奏其妄

安石怒出知廣德軍徙廬州宋史本傳以明恕著聲舊志

朱服字行中烏程人以直龍圖閣知潤州歷徙廬州廬人饑便

宜振護全活十餘萬口逾年大疫又課醫持善藥分拯之賴以

安者甚眾宋史本傳

楊告字道之縣竹人調廬江尉時張景笞吏死而吏捕急逃歸

告懼不見納告曰君勿憂也吾死生與之景卒免宋史本傳

王遵紹聖初知無為軍健於吏才興三圩開十二井又築北領

以捍水患世蒙其利南畿志

吳懋字禹功陽羨人徽宗時令廬江時劇盜劉五掠州縣去廬

江纔一驛懋之官行至中途或止之懋笑曰男兒當斬賊平亂

鼠輩何為者今行縛之矣賊聞不敢入境南畿志

黃陞字進仲建州蒲城人崇甯二年進士知合肥縣當兵興之

際一切供給賦取於民陞隨事力爭有不得已視其等哀而均

之吏不得因緣為姦福建通志新增

陳瓘字瑩中南劔州沙縣人大觀中以右司諫劾蔡京謫知無

為軍為政廉平明隆慶廬州府志

米芾字元章吳人政和間知無為軍善察民冤行法不畏強禦

嘗有飛蝗入境不傷禾稼人咸異之舊注宋史文苑傳按本傳不載

趙善俊太宗七世孫紹興中知廬州會歲旱江浙饑民麇至善俊括境內官田均給之貸牛種穡屋以居死者為給樁人至如歸州城舊毀於兵善俊葺完之因言異時恃巢湖以通餽餉今既湮涸宜募鄉兵保孤姥二山治屋儲粟敵或敗盟則吾城守有餘餉道無乏又增築學舍新包拯祠春秋祀之人感其化後再知廬州復芍陂七門堰農政用修免屬邑坊場河渡羨錢百姓德之

宋史本傳

增修

岳飛字鵬舉湯陰人紹興三年烏珠舊作兀朮劉豫合兵圍廬州高宗手札命飛解圍提兵趨廬偽齊已驅甲騎五千偪城飛張岳字旗與精忠旗金兵一戰而潰廬州平十一年謀報金分道渡淮飛請合諸帥之兵破敵師至廬州金兵望風而遯

宋史本傳

城下宗顏以騎百餘禦之敵退有至自淮北者傳金人言曰此張鐵山弟也

宋史本傳

趙康直紹興中知廬州鄺瓊之叛與判官呂祉同死於戰

明統志

劉錡字信叔順德軍人紹興中以淮北宣撫判官駐太平州金兵攻廬和二州錡自太平抵廬州據東關之險以遏其衝引兵出清溪兩戰皆勝行至柘皋與金將夾石梁河而陣河通巢湖廣二丈錡命曳薪疊橋須臾而成會諸軍奮擊之敵大敗

宋史本傳

仇念字泰然益都人以淮西宣撫使知廬州劉豫子麟合金兵大入念募廬壽兵得數百益鄉兵二千出奇直抵壽春城下敵三戰皆北其後麟復增兵來寇念復戰壽春城下俘馘甚眾尋詔詣闕軍民號送

宋史本傳

趙汝談字履常甯宗時知無為軍與安豐守陸峻俱稱循吏

本傳增修

丁仁澧陵人甯宗時知無為軍築堰以溉田民呼丁公堰一統志

宇文紹節字挺臣廣都人甯宗時知廬州時韓侂胄方議用兵

紹節至郡議修築古城剗造砦柵專為固圉計宋史本傳

江瑄理宗時巢縣令飭縣治振士風修學校巢縣志

王亨廬州守劉豫遣將王世冲以蕃漢兵攻廬州亨誘斬世冲

大敗其眾宋史高宗紀

洪福夏貴家僮積勞加右武大夫知鎮巢貴既臣附於元招福

不聽貴至城下好語語福請單騎入城門發而伏兵起執福父

子福子大源大淵諱曰法止誅首謀何至舉家為戮福叱曰以

一命報宋何至告人求活大罵請向南死以明不背國宋史姜才傳

元郝彬信安人世祖時同知淮西道宣慰使事覈戶版理屯田

諸廢修舉江淮財賦總管府掌東宮田賦其官屬皆從詹事院

奉授不隸中書往往為姦利誅求無厭彬為總管入見請受憲

司糾察以革私弊罷所隸六提舉司以蘇民瘼從之一統志

特穆爾巴哈世祖孫天厯初封宣讓王鎮廬州至正十二年境

內賊起廉訪使陳思謙勸特穆爾巴哈以所部兵分道擊賊擒

其渠帥廬州境內皆平一統志

恩克圖至元中鎮廬州以私財築室一百二十餘間以居軍士

之貧者事聞特命升其秩一統志

塔海廬州路總管時飛蝗北來民患之海禱於天蝗即引去亦

有墜水死者民乏食開廩減直俾民糴之所活甚眾元史本傳

王碩河南人延祐初無為州同知廉潔有幹才不畏疆禦嘗檄

清理學田搜決隱漏凡得田一百一十九頃又追積負糧米三

百石自是廩有餘粟士得餼養

李森卿王君碑

變理溥化蒙古人泰定閒任舒城縣達魯噶齊歲旱民饑富家

閉糶眾將肆焚掠溥化獎勵好義之民令出錢糴穀驗口賙給

四境以安

江南通志

明董曾洪武初知無為州陳友諒陷城被執欲其降不屈沈之

江一統志

李崙咸甯人知廬州府歲旱悉心賑救蝗不入境立俵馬法定

鹽鈔價勑河橋廣儲蓄善政具興

一統志

蘇敏昌平人洪武初廬州推官刑政不苛擢知府莅任入載甚

得民心卒於官百姓無不流涕

南畿志

伍塾字貢均廬陵人洪武中知廬江開設縣治招撫流移嘗手

書孝經論語教民誦讀

江南通志

樂瓚潞州人洪武十年知無為州剛毅信直吏民畏服

南畿志

劉毅字原實龍泉人補無為知州除水面錢均夫差門無私謁

江西通志

新增

鄒以信廬陵人永樂五年知無為州政尚德教州人感化以博

學能文稱文章太守

南畿志

王仕錫南城人永樂二十二年知無為州興學勸農修廢舉墜

任滿民請畱之復任九年

南畿志

揭稽字孟哲廣昌人宣德十年以御史出知廬州興革悉中矩

度先是永樂中遷齊藩於廬州王素驕衛士強攫民物為郡害

稽力奏移之

江南通志

劉顯豐城人宣德十年知舒城縣課農桑興學校開水利與漢

劉馥俱祀羹頡侯廟

江南通志

杜彪魏縣人知無為州初下車故不事事案牘紛積吏胥以為可欺已而情弊灼然迺振紀綱均賦役鋤強扶弱民大悅服江南通志

程文確山人成化中知舒城縣通練吏治興學校修水利歲災

為民懇免歲辦繇賦尋擢御史江南通志

馬金字汝礪西充人初授廬州通判再遷知府歷任久盡去宿

蠹建余忠宣公祠又創景賢書院修郡學尊經閣購書藏之江南通志

齊恩隆德人無為州同知善騎射流寇犯圖山檄恩往禦以眾

寡不敵死之贈光祿寺丞江南通志

吳英裕州人成化間知巢縣理治繁劇井然有條奸胥無所措

手江南通志

梅江嘉興人進士授廬江令興利剔蠹政聲藉甚士民畏愛之

浙江通志 新增

孫佐宏治中任廬州府學教授性敦厚寡言笑授生徒以經學

寒暑不倦有貧乏者分俸周之明統志

胡暘宏治中知廬江縣廉威明直抑強扶弱重築邑城民永賴

之明統志

楊璉字廷佩原武人正德中知廬州府時劉瑾專政境內有巨

惡張杲璫張龍兄也璉發其奸撲殺之庫吏循故事以羨餘獻

璉曰盜官錢者法當遣速令歸之庫江南通志

聶曼字子貞金谿人廬州教授邃於易學終日端坐無惰容僚

友喪葬多所扶助諸生尤貧者月給以米江南通志

孫聰字克明北直人正德中知合肥寇亂之後招撫流移悉心

安集

江南通志

龍誥字孔錫攸縣人正德中知廬州府嘉靖癸未大旱開廩設粥平糶營建惠民倉鎮淮樓藉力役以給食所活數萬道死者設義冢瘞之江南通志

吳嶽字汝喬汶上人嘉靖中知廬州府設旌善瘳惡二亭分列民之賢不肖朔望進諸生講經義歲大疫擇醫藥設局以療之稅課千金例輸府悉白上臺貯公帑西山產薪惟供官爨弛其禁與民共之江南通志

胡奎字應文新淦人嘉靖閒廬州推官議刑無失入註誤者多為辨脫江南通志

張瀚字子文仁和人嘉靖閒知廬州州西關故有濠源出李陵雞鳴諸山雨潦則病涉瀚跨流為橋民賴以濟歲稔發粟嚴禁

糴販數讞大獄多所平反江南通志

屠仲律字宗預嘉興人嘉靖庚申以南御史出知廬州府諳於吏治而愛民尤切歲歉罄囊代輸秋稅不復徵補會疾作百姓祈禱四出願以身代竟卒於官江南通志

王家賓嘉靖閒知廬州府郵荒興學皆極誠懇以拂權貴去官江南通志

潘恕字行甫海陽人嘉靖閒知合肥縣吏民一見輒記名姓置學田數百畝歲收以給寒峻江南通志

陳其樂貴溪人嘉靖中知合肥縣雖居官家人不廢紡績其同邑夏言執政未嘗一通音問江南通志

喻南嶽字極夫新建進士遷廬州知府新安人挾重貲遊無為州州人某利其有拉殺之而匿其屍事已半載南嶽坐堂上問

左右曰階之下披髮短裳而水淋漓者誰耶左右無對獄曰若有冤第為若理即沐浴禱於城隍神明日呼左右一人來授以名居令往捕之一訊輒服江西通志 新增

陳懋觀長樂人隆慶初知廬州府遇事以禮嘗曰每見諸生暴階下心即不安斷獄不輕入罪情法相麗者猶矜慎再三江南通志

何寵臨海人由進士知無為州不事苛察而法所當施絕無寬假倭入寇江上羽書日至寵築城池申嚴烽燧一方賴焉江南通志

王俸字廉父秀水人萬曆中知廬州府剔蠹息民歲大旱手執稿禾流涕禱壇壝且拜且行赤日正午雷雨忽大作江南通志

江沛然黃岡人以給事中謫任廬州府經歷署廬江縣事積弊之後力為振刷廉巨奸寘之法一境肅清江南通志

陳應龍字起田侯官人萬曆十五年知無為州濱江一帶為圩

三百六十有奇盛夏江流內灌膏腴盡沒應龍親歷汗萊相度累月申請照糧派夫築隄五千二百七十餘丈民名之曰陳公壩江南通志

何邦漸字紹渠浪穹人萬曆中知無為州州歲徵漕米八千九百有奇約以十之四運黃雒河交兌北上餘由長江行千三百里解鳳陽江濤覆溺及虧耗需索甚為民害邦漸請畱鳳陽臨淮二縣米充鳳餉而本州併於黃雒河交兌彼此稱便江南通志

胡震亨字孝韓海鹽人萬曆中知合肥英察若神民扞網者輒指數姓名蠹吏不敢有所犯邑有世家裔犯竊震亨資以錢諭令改行其人感愧向善江南通志

洪邦光字世龍同安人知無為州除養馬免糧田外一切歲辦不均邦光酌議申請分秋糧夏麥絲絹糖油四則以稅糧馬價

照畝均攤至今垂為定例

江南通志

王觀光字子聞福建晉江人知舒城縣縣富民多飛灑脫役貧者益困觀光總計米額設法派貼貧富始均有屠謀殺其伴投屍與刀潭中仍自控訴亟馳視之有蛙跳蓮葉鳴不已使沒水驗之得屍屠刀在焉遂抵罪一妖男子以婦貌入富貴家事發不訊立斃之遷刑部主事有富商奴吳榮擁資數十萬投魏璫反噬其主璫敗繫獄榮布賄求脫觀光立擬決輿論稱快

福建通志

吳大樸固始人崇禎時知廬州乙亥春流寇薄城大樸守東門發礮斃其魁火燒城外民居之為賊窟者又起礮樓臨濠東石插賊不敢偏

江南通志

熊文舉字公遠新建人崇禎時知合肥縣為政廉平流賊薄城

文舉分守西偏築威遠亭其上指畫有方

江南通志

張化樞雲南人崇禎閒任漢陽推官以事來謁史可法因畱署無為州州城陷為賊擁至桐城城下使賺門化樞大呼曰我無為州知州也賊脇我至此慎勿開城賊立刃之後葬桐城西門

岡

廬州府志

嚴覺歸安人崇禎中知巢縣愛士愛民剔除奸蠹乙亥春流寇破城被執不屈死之家屬同時殉難

明史盧謙傳

趙興基雲南太和人崇禎中為廬州府通判賊張獻忠抵城下遣其下偽為諸生以入城中大擾興基時守水西門聞變下戍樓與鬪斬數人被創死

明史本傳

鄭元綬浙江人崇禎末廬州府經歷流寇攻廬州元綬分守南薰門力戰死

明史趙興基傳

國朝趙允光大興人順治初知廬州府時兵燹之後流亡未復允
光招徠撫字輕徭均賦民獲其利無為巢縣閒有頑民聚黨為
患允光捕之悉獲其魁繩以法一統志

張鷟翔字鵬舉陝西人順治丁亥進士知合肥縣為政和平嚴
不傷劾寬不病縱當時以為循吏江南舊志

吳允昇字賓廷奉天人順治九年知廬州府寡欲省刑民被其
惠時歲連旱允昇設法賑濟全活者眾學宮圯壞捐貲繕葺士
民立祠祀之一統志 江南舊志

王業興字鳴石奉天人順治中知廬州府值海氛偪境業興親
率家丁及營卒登陴捍禦屢挫賊鋒州得無恙治郡十三年勸

課農桑減省刑獄民咸德之又出俸錢建斗文書院聚諸生肄
習其中後遷荆南巡道一統志 江南通志

佟國楨奉天人順治中知無為州瀕江田廬恃圩壩為捍蔽十

六年三壩將圯國楨相度形勢自鮑家橋至周思溝豫築隄四
千丈有奇名曰四壩後三壩傾而田廬卒無恙一統志

王宗聖奉天人順治中知舒城縣年甫弱冠詳慎如老吏斷訟
莅事吏不能欺兵燹後安輯流亡威德並著江南通志

張可捷大同人順治中知舒城縣為人惻悞無華不炫才不沽
名安靜寬和始終如一蔬食布袍順民好惡一時稱良吏焉江南通志

祁文友廣東人順治十八年知廬江縣清丈量均里甲平賦役
勸農桑一統志

薛之佐字鶴齋蒼溪人知廬州府精明強幹剔弊釐奸豪強不
逞之徒皆潛徙境外士民頌之江南通志

聶源字天水宣化府人知廬州府為政寬簡愛民禮士值

大兵至郡軍需旁午源殫心籌畫民以不擾引年歸士民泣送之

江南通志

顏堯揆永春人康熙六年知無為州時前令佟國楨所築新壩

漸為江濤所齧堯揆自李家祠至王家渡築壩八百八十丈闊

三丈高一丈九尺次年大水田廬恃以無恙并和州含巢二縣

皆賴焉州民勒石於壩上名曰顏公壩

一統志江南通志

何朝聘奉天人康熙初知舒城縣明敏有才略正賦不缺於供

而民無催科之擾招民墾田給以牛種治舒七載獄訟衰息

一統志

董守義奉天人康熙中知舒城縣有幹濟才逆藩之亂舒為衝

邑官兵往來絡繹舟車芻糗應時而辦閭閻無擾邑人戴之

志

萬人長睢甯歲貢康熙中年九十三始任舒城訓導骨體剛健

課士不懈善畫山水年九十六告歸又二十五年乃卒

舒城縣志新

增

李衍芳字徵遠雲南人康熙二十三年知廬州邑南有二湖環

湖皆圩田惟缺口一河通江洩水豪民每截河作壩障上流以

資灌溉澇則以鄰為壑又編竹橫於河以收魚利民病之芳特

申請除之

江南通志

朱振浙江嘉興府進士康熙中任舒城知縣漕糧紅白分納民

苦於揀米振請得免濬七門堰開包家堰以溉民田積勞卒官

祀名宦祠

廬州府志新

孫承祚漢軍正白旗人康熙中任廬江知縣善折獄奸猾不得

逞尤愛士獎勵備至刻有廬江課士錄任九年士民戴德卒官

廬江縣志

蔣鶴鳴秀水人為舒城知縣舒自明以來水道淤塞田多旱患鶴鳴下車即講求濬治捐俸勸輸士民樂助是歲適遭荒歉即令貧民受值執役不三月開久湮之河七十餘里民不告勞工亦速竣

浙江通志 新增

徐大枚字梅麓奉天人雍正初知廬州府居心仁厚聽斷公平子文燦乾隆閒復以海門同知權知廬州府亦多善政今廣益局即所創建

廬州府志

陳慶門字容駟陝西盩厔人雍正七年任廬江知縣修學宮倡捐六千金築城濬濠置義田建社倉遷四川達州知州

廬江縣志 新增

蔡長湮字巨源漳浦人乾隆閒知廬州府增置書院田租士賴

以養清釐案牘無十日不結者

廬州府志

方芬字香浦香山人乾隆閒知廬江縣清廉自矢案無留牘在任賠累數千金以艱歸士民醵貲代償乃得行

廬江縣志

馮愿青州人乾隆初署無為州以文學飾吏治尤愛敬文士而於官事仍無所徇後以誑誤去士民咸惜之

無為州志

李廷績字熙堂江蘇太倉人任無為州吏目乾隆乙巳歲旱饑僱民婦收養遺嬰至次年麥熟止又與州紳捐貲為收贖賣妻

鬻子之費

無為州志 舊志流寓 新移

狄寬江蘇溧陽進士乾隆十年任巢縣知縣興水利親歷田畝挑塘四千三百餘處巢湖多風濤置船救生增設義學延師教導士民觀感十七年卒官祀名宦祠

閣鈔 新增

趙霖河南人乾隆閒署無為州巡撫朱珪檄委挑濬上河霖躬親督理不避風雨催集民夫仍寓軫恤民情鼓舞先期葺工州人德之後卒鳳陽同知喪過無為弔賻者數千人無為州志

郭起元字復齋福建閩縣人以賢良方正授舒城知縣下車釋冤獄數十人福建通志

趙瓚奉天人乾隆十五年任廬州府倡修郡學置書院田產以贍膏火增建講堂齋舍二十餘楹貯書其中故士氣蒸蒸益知

廬州府志

劉作垣甘肅武威人乾隆十六年知舒城縣創龍山書院置田租建講堂嚴立規條士民蒸蒸然化之舒城縣志

王成江蘇鎮洋人乾隆二十二年知廬州府為政務在大體使官與民不隔則弊自除修築城垣建肥津牖以溉民田又葺演

武廳令兵弁隨時訓練廬州府志

徐鳳階江蘇金壇人官舒城教諭嚴立規條勤於訓課一時英俊皆出其門舒城縣志

孫榮昇字曉帆山東膠州人嘉慶十八年任無為知州恩威並著建繡溪正蒙兩書院及養濟院士民稱之無為州志

盧澤字芷泉江蘇山陽舉人嘉慶二十二年官舒城教諭獎掖後進訓導駱騰鳳亦以能文名舒城人稱為盧駱舒城縣志

王椿林字柳樵山西文水舉人道光初署旌德懷遠補巢縣所至興利除害表揚節孝清釐詞訟十一年巢縣水決虔禱河神

水勢頓止捐廉辦賑蒸麪為饒計口散給一日領數日之需饑民稱便費近二千金巢縣志

彭鳴九字鶴臯湖南衡陽人懷甯三橋巡檢道光元年調合肥

重刊安海通志 卷一百四十六
梁園巡檢好善嫉惡剛直不阿擒獲盜賊擒匪處以嚴刑奸宄
斂跡有陳氏節婦爲夫弟偏益者密白上官雪其冤論如律盛
夏施丸散解溫疫布衣蔬食廉俸外不取民間一絲一粟愛民
息訟懷甯合肥人至今稱誦之以子玉麟官

贈光祿大夫兼振威將軍

略行

沈祥煦貴州松桃廳人道光中任合肥知縣值歲旱步行祈雨
甘霖卽沛府城圯捐資重修又捐穀千石倡建豐備倉十九年
任宿州政平訟理升泗州知州卒官貧不能具棺衾遺書數篋
而已祀名宦祠閩鈔 宿州志
劉丙字石久山西渾源副貢任舒城知縣以勤廉稱道光辛丑
水漲賑貧戶禁囤積平米價海疆警官兵道出舒城籌辦供給
四民按堵無徭役之累舒城縣志

余國卿字方屏四川遂甯舉人道光二十八年署舒城知縣有
告訐者數語折服民以青天呼之歲屢潦匪徒饑民行劫國卿
擒首惡多人解散餘黨勸捐賑濟濱水墳圯骸露封瘞之成隴
焉舒城縣志

吳祥麟浙江人張文斌亳州志 斌作彬宛平人先後任合肥知縣均於

咸豐三年從江忠源守廬州城陷同死之文斌字浣江道光閒

任霍邱善治盜賊愛民如子霍邱人勒石誌遺愛是年甫自亳

州調署合肥遂及於難合肥縣志 霍邱縣志人哀思之

張靖字松亭漢軍進士勇敢質直巡撫李嘉端奏調至皖咸豐

四年署合肥知縣髮逆據三河鎮靖集練進剿受傷投河死合肥縣志

縣志

王映奎漢軍人任合肥知縣咸豐八年七月髮逆自舒城犯廬

州城陷死之合肥兵志

穆其琛字海航四川華陽舉人巴縣教諭同治元年總督曾國藩奏調隨營代理無為州知州以守城禦寇靜鎮堅定奏准實授時州城初復庶務草創其琛簡要節儉以息民為事尤愛植士林買半墩田畝為學校公需五年卒官無為州志

蔡家馨字楚香湖北鍾祥拔貢同治四年任巢縣知縣兵燹之餘經營善後勸捐重建學宮於縣治故址又建書院考棚於定林寺廢址巢縣志

陳元泰咸豐十一年以府經歷署舒城縣帶勇擊賊吳家畝九井等處又會同楚軍剿賊中梅河并克復縣城生擒賊目販天燕等積功保知縣修理城垣設米倉凡善後事宜次第具舉探訪冊

重修安徽通志卷一百四十七

職官志

名宦十一

鳳陽府

漢宋均字叔庠安眾人建武中遷九江太守郡多虎患均到退奸貪進忠善虎遂東渡中元元年山陽楚沛多蝗飛至九江郡輒東西散去後漢書本傳

梁統烏氏人世祖時為九江太守有治績吏人畏愛之後漢書本傳
元賀宕渠人肅宗時歷九江太守沛郡太守以清潔稱後漢書第五倫傳

欒巴內黃人順帝時遷沛相有政績後漢書本傳
楊匡陳畱人順帝時補蕪長政有異績一統志

陽球漁陽泉州人建甯中拜九江太守時九江山賊起連月不解球到設方略凶賊殄破收郡中奸吏盡殺之後漢書本傳

王吉浚儀人熹平中為沛相曉達政事能斷察疑獄發起奸伏多出眾議專選剽悍吏擊斷非法後漢書本傳

袁忠汝陽人初平中為沛相乘輦車到官以清亮稱後漢書袁安傳時苗建安中為壽春令始之官用黃犝牛駕車歲餘生一犢及去為主簿曰令來時本無此是淮南所生也留之而去後漢紀

舒仲應建安中為沛相袁術以米十萬斛與為軍糧仲應悉散以給饑民術怒將斬之仲應曰知當必死故為之甯可以一人之命救百姓於塗炭後漢書袁術傳

魏鄭渾河南開封人文帝即位遷沛郡太守郡患水澇百姓饑乏渾於蕭相二縣界興陂竭開稻田躬率吏民興立功夫一冬

閒皆成比年大收頃畝歲增租入倍常民賴其利刻石頌之號曰鄭陂三國志本傳

袁渙陳郡扶樂人為沛南部都尉是時新募民開屯田民不樂多逃亡渙白太祖曰夫民安土重遷不可卒變易以順行難以逆動宜順其意樂之者乃取不欲者勿彊太祖從之百姓大悅三國志本傳

晉劉頌字子雅廣陵人武帝時除淮南王相在官嚴整甚有政績舊修芍陂歲用數萬人豪彊兼并孤貧失業頌使大小戮力計工授分百姓歌其平惠晉書本傳

宋垣護之字彥宗桓道人為鍾離太守王元謨攻滑臺護之百舸為前鋒魏牽元謨水軍大艘連以鐵鎖三重絕護之路護之中流而下以長柯斧斷之惟失一舸餘舸並全宋書本傳

重修安海縣志 卷一百四十一 職官志 名宦 鳳陽府

封延伯渤海人垣崇祖為豫州表薦之起家為平西長史梁郡

太守為政清靜有高士風南史本傳

齊沈文季字仲達武康人尚書右僕射建武二年魏寇壽春詔

刺史遙昌固守詔文季領兵鎮壽春文季入城嚴加備守魏軍

尋遜齊書本傳

梁曹景宗字子震新野人天監五年魏拓跋英寇鍾離詔景宗

往援破之梁書本傳

北魏元澄宗室襲封任城王宣武初除揚州刺史下車封孫叔

敖之墓毀蔣子文之廟朝議南伐以澄總勒大眾所在克捷詔

書褒美北史本傳

北周游元任城人歷壽春令譙州司馬俱有能名北史本傳

王述字長述霸城人仁州總管有能名北史王熊傳

隋張虔雄清河東武城人歷壽春陽城二縣令俱有治績隋書張虔傳

威傳

趙軌洛陽人為壽州總管長史芍陂舊有五門堰蕪穢不修軌

更開三十六門灌田五千餘頃隋書本傳

元孝矩洛陽人拜壽州總管高祖賜璽書曰楊越氛祲侵軼邊

鄙爭桑輿役不識大猷以公志存遠略故令鎮邊服懷柔以禮

稱朕意焉隋書本傳

唐員半千字榮期齊州人為濠州刺史不專任吏常以文雅粉

飾禮化大行唐書本傳

高智周晉陵人拜壽州刺史其治尚文雅行部先見諸生質經

義及政得失既乃錄獄訟考耕餉勤惰以為常唐書本傳

李瀾永泰初為斬令梁宋兵興瀾諭降劇賊數千人刺史曹升

襲敗之賊疑瀾賣已執瀾及其弟渤兄弟爭相代死瀾女亦求代父皆遇害一統志

張鎰字季權河南人大曆初出為濠州刺史政條清簡延經術士講教生徒比去州升明經者四十人李靈耀反鎰團鄉兵嚴守禦有詔褒美唐書本傳

張萬福元城人幼從征遼東有功累攝壽濠舒州刺史代宗召拜和州刺史賜名正德宗時李正己反屯兵埇橋江淮漕船不敢踰渦口乃以萬福刺濠州帝曰先帝改爾名正者所以褒也朕謂江淮草木亦知爾威名若從所改恐賊不曉是卿復賜舊名萬福馳至渦口駐馬於岸悉發漕船賊兵倚岸熟視不敢動改泗州刺史唐書本傳

李遜字友道趙郡人累遷濠州刺史時觀察使多額外浮斂遜

一不應唐書本傳

侯固大中間濠州刺史奏乞增植桑無加稅有石刻在定遠縣門唐書本傳

許孟容京兆人辟武甯張建封府李納以兵拒境建封遣使諭止前後三輩往皆不聽乃使孟容見納敷引順逆納既悔謝罷兵表為濠州刺史德宗知其能召拜禮部員外郎唐書本傳

南唐李延鄒鄱陽人濠州錄事參軍郭廷謂降周時命草降表延鄒責以忠義廷謂以兵脅之延鄒投筆曰大丈夫終不負國為叛臣作降表遂遇害南唐書郭廷謂傳

五代周楊承信沙陲人顯德中擢中正軍節度使時徙州治下蔡承信增廣其城敗淮人於廬州累歷藩鎮刻勵為政遺愛在人宋史本傳

宋王郁臨江人為濠州判官將歿謂家人曰吾歷官逾五十年
慎於用刑活人多矣後必有興者宋史王欽若傳

王審琦字仲寶洛陽人建隆二年為忠正軍節度使在鎮八年
為政寬簡所部邑令以罪停其錄事吏幕僚白令不先咨府請
按之審琦曰五代以來諸侯強橫令不專縣事今天下治平我

忝守藩維而部內宰能斥去黠吏何按之有宋史本傳

王祚并州祁人周顯德初華州刺史改鎮潁州均部內租稅補
實流徙以出舊籍州境舊有通商河歲久湮塞祚疏導之遂通
舟楫宋初升宿州防禦使課民鑿井修火備築城北隄以禦水

災宋史王溥傳 增修

梁延嗣長安人太祖時為濠州防禦使有善政詔書褒美一統志
楊覃字申錫浙人淳化中同判壽州巡撫使潘慎修上其政績

有詔嘉獎就命知州事數月詔還未上道會丁內艱州民列狀
乞畱轉運以聞宋史本傳

崔立字本之鄆陵人真宗時知安豐縣大水壞期思塘立躬督
繕治踰月而成宋史本傳

劉航魏人真宗時知宿州押伴夏使使者多所邀請執禮不遜
且欲服毬文金帶入見航皆折正之一統志

江澤天禧中知定遠縣率民修廢塘濬古港以灌高仰之地賜
詔獎焉一統志

張式字景則建安人天禧時知濠州州人縊其妻而以自殺告
獄既具式詰之立伏人以為神終身不營田宅得祿即以置書

曰子孫業此足矣南畿志
趙師揆字元輔除江東提舉奏免失陷常平人毋責償改淮南

漕尋遷淮西提刑兼領屯田事奏以荒圩給軍士其屯田爲民世業者勿奪從之及代去吏請獻羨錢二十萬師揆曰後將病民矣宋史本傳增修

魏揆字子浩知壽州盜殺寺童子有司執僧笞服揆廉知其罪脫械縱去一府爭以爲不可後數日得真盜宋史本傳

李若谷豐人知壽州豪右多分占芍陂陂皆美田夏雨溢壞田輒盜決若谷擿冒占田者逐之每決輒調瀕陂諸豪使塞隄盜決乃止宋史本傳

連庶字居錫應山人仁宗時爲壽春令興學尊禮秀民以勸其俗開瀕淮田千頃縣大治宋史本傳

張旨字仲微河內人明道中淮南饑自詣宰相陳救荒之策命知安豐縣大募富民輸粟以給餓者既而濬淖河三十里疏泄

支流注芍陂爲斗門溉田數萬頃外築隄以備水患宋史本傳

王克臣字子難洛陽人仁宗時通判壽州鼓角卒夜入州廨繫郡將既就擒而監軍使所部被甲操刃立庭中克臣徐言曰此不過爲盜耳遣甲者去戒卒勿妄引他人眾歡服宋史王審琦傳

朱壽隆字仲山諸城人仁宗時知宿州州多劇盜至白晝被甲剽攻郡縣不能制壽隆設方略耳目捕斬千餘人宋史本傳

吳奎字長文濰州人至和二年知壽州專以仁恕及民事至立斷吏民久而思之舊注宋史本傳按本傳不載

張昇字杲卿韓城人嘗守濠州忠信清儉不受私謁分俸祿以贍九族舊注宋史本傳按本傳不載

曾致堯字正臣南豐人知壽州州近京師諸豪大商結權貴號爲難治致堯居歲餘斂手不敢犯人亦莫見其以何術而然也

既去壽人遮雷以一騎二卒逃去過他州猶有追之者歐陽修曾公神

道碑盛修已通判宿州建炎三年盜入宿修已被執不屈為所害南畿

康允之建炎中知壽春府渠賊丁進聚眾萬餘人攻城允之率

軍民固守賊解圍去奏至高宗謂輔臣曰此郡守得人之效也

南畿志連南夫應山人高宗時守濠州舊有東西二城濠水經其間入

淮南夫決濠水由城西徑達於淮合二城為一南畿志

楊照濠州將官金圍城急照躍上角樓刺賊俄中流矢卒有統

領丁元者呼其徒毋負國一舟二百人皆鬪死宋史孫暉傳

魏孝友字移可甌甯人授迪功郎調濠州定遠合建炎三年潰

卒朱海擁眾數千人入縣界孝友率兵至永康鎮拒之海曰我

假道而過秋毫不敢犯尚與公戰乎孝友不納麾民兵擊之海

怒悉眾而前民兵潰孝友孤軍弗支遂被執死之事聞贈朝奉

郎官其子福建通志新增邵青紹興中為兵馬鈐轄濠州陷青巷戰死之南畿志

王時升紹興中通判安豐軍言淮南土皆膏腴然地未盡闢民

不加多者緣豪強虛占良田而無徧耕之力流民襁負而至而

無開耕之地凡荒閒田許人剗佃戶部議期以二年未墾者如

所請京西路如之一統志陳洙字聖涯甌甯進士知壽州安豐縣大興學校括廢田以養

士修築芍陂水利邑民賴之性好施予家無贏餘有以貧苦貸

者鬻產不靳官終奉議郎福建通志新增

劉穎字公實西安人光宗時遷司農少卿淮西總領內府宣限
既迫每移供軍錢以應歲輸穎蒐吏弊汰冗員分月綱解自是
不復那移宋史本傳

王阮字南卿江州人紹熙中知濠州請復曹瑋方田修神世衡
射法日講守備與邊民訪北境事宜終阮在濠金不敢南侵宋史本傳

崔與之字正字廣州人甯宗時調淮西提刑司檢法官民有窘
於豪民逋負毆死其子誣之者其長欲流之與之曰小民計出
倉卒忍使一家轉徙乎況故殺子孫罪止徒從之宋史本傳

王寔字定叟東陽人理宗時知濠州節浮費糴粟買馬以備不
虞尋差知安豐軍臣寮上言王寔在濠人甚安之不宜輕易詔
再守濠職事修舉宋史本傳

劉雄飛淳祐四年詔壽春守臣劉雄飛等以元兵圍城捍禦有
功各官三轉宋史理宗紀

李庭芝字祥甫應山人賈似道鎮京湖起為制置司參議移鎮
兩淮柵清河五口增淮南烽火百二十繼知濠州復城荆山以
備淮南凡所籌措皆切中機宜宋史本傳

趙士隆字景瞻太宗之後淮南西路兵馬鈐轄駐壽春劇賊丁
一箭眾號十萬攻城三旬不退士隆募軍中敢死士數百出賊
不意擊走之宋史本傳

張斌理宗時為濠州統制柘塘之戰歿於王事贈官三轉宋史理宗紀

劉泰樞密院忠義軍前正將慷慨好義以私財募兵三百金人
犯壽春泰率所部赴援轉戰身被數十創一夕死宋史本傳

元王庭玉字國寶清苑人至元十五年授招信路總管府達嚕

噶齊崇教化勸農桑勵風俗境內稱治南畿志

李良佑泰山人爲靈璧縣尹縣經兵燹城郭爲墟至元二十四

年復立縣良佑相度形勢內廡外市皆所經始江南通志

張晉亨南宮人世祖中統四年命將兵戍宿州首言汴隄南北

沃壤閒曠宜屯田以資軍食乃分兵列營以時種藝選千夫長

督勸之事成期年皆獲其利一統志

田誠仁宗時靈璧縣丞滿九載父老恐其遷去赴闕言其居職

廉能撫民有道乞還之百姓詔以州判官職復任一統志

許敏仁宗時壽州州判善持己愛民民奏乞擢用卽用爲本州

同知九載當遷民更乞畱進秩還任一統志

安汝明甯晉人延祐中尹定遠興利除害三年土田關戶口增

盜息賦均民無勞役江南通志

嚴忠信東昌人知濠州政尙嚴明大興學校南畿志 舊志入明據定遠縣志移

谷杲字明之至治二年爲安豐路總管有能聲南畿志

哈刺字元素賜姓金至順閒爲鍾離縣達嚕噶齊平反冤獄政

爲諸邑最南畿志

吳昇字起東黃巖人至正閒尹虹縣性廉潔才具亦優士民稱

之江南通志

張謙字文益高唐人至正六年安豐路總管歲饑賑卹有方多

所全活南畿志

明蔣子杰奉化人洪武初知鳳陽府寬嚴相濟惠政甚多南畿志

樂徽洪武初知虹縣政教修舉百廢皆所興造江南通志

樂瓚陽城人洪武初知臨淮縣才具廉幹賦役均平江南通志

鄭真鄞縣人洪武中教諭臨淮多方造士會晉王之國道經臨

淮召講春秋真開陳大意王甚喜南畿志

周榮蓬萊人洪武中靈壁縣丞有惠政坐累逮刑部耆老羣赴

輦下稱榮賢帝賜鈔及襲衣宴榮及耆老而還之尋擢知本縣

民益樂其寬惠一統志

楊浩江陵人永樂中知鳳陽府律已無私御下有道江南志

楊鏞永樂中知懷遠縣廉謹愛民遷知沂州百姓攀留者數千

人江南志

閻斌乾州人宣德初臨淮縣丞盡心撫字吏民愛服將代相率

詣上臺乞畱在官二十三年終始一節江南志

何誠字則明莆田人正統初知虹縣清慎慈惠士民愛戴自學

宮至道路百廢具舉訓誨生徒吏胥不尚嚴威每詣村落教民

植桑久賴其利自學宮以下據福建通志增秩滿父老三百餘人詣闕請畱

會以疾卒百姓思之久而不忘江南志

楊瓚正統閒知鳳陽府持身廉介蒞政公勤入覲賜衣裘勞江南志

通志

白玉後軍都督府同知成化元年守禦鳳陽修復芍陂興水利

至今賴之廣輿記

章銳字元進鄞縣人成化閒知鳳陽府持已公勤讞獄精審修

學宮刻中都志綱舉目張得為政大體江南志

劉概濟甯人成化閒知壽州發奸摘伏豪黠屏跡禁師巫斥淫

祀招延名儒振興黌序尤講禦荒之策量道里遠近分設豫備

倉又建石橋置義冢古良牧無以過焉江南志

孫治字五美清江人成化進士知臨淮縣守己愛民興學作士

時權闖汪直陳廣以選妃責貢繼至所在需索動以千計治持
正不阿竟為二宦所中改安東遂棄官歸 江南通志 新增

曾大有字世亨麻城人宏治中知定遠縣凡黷舍官廨城郭坊
市悉為增拓修治撲滅妖氛孔布等一境宴然 江南通志

吳九宮雲南後衛人正德初知臨淮縣莅政清平存心慈愛行
取赴闕士民追送畱鞭懸於縣門之左 江南通志

楊麓字孔瞻德州人正德初知定遠縣創建甌城民賴保障 江南通志

陳伯安字汝止黃陂人正德六年以御史謫知靈璧縣時流寇
楊虎擁眾來攻伯安被執不屈賊義而釋之歸益籌守禦之計
增高城若干尺鑿河八尺以環其外邑以獲全 江南通志
蔣賢隴州人正德六年授靈璧主簿嚴正有為會楊虎入寇賢

與指揮錢英率民捍禦被執大罵不屈皆遇害 南畿志

趙楷嘉靖間知鳳陽縣身服布袍出入跨一羸馬從役二三人
不畏強禦豪猾望風斂跡三日一至學宮拔弟子之秀者廩給
之多所成就 江南通志

劉熇字德輝完縣人嘉靖四年知定遠縣時大饑疫邑里蕭然
熇撫循三年逃者以集居者以饒 江南通志

劉采麻城人嘉靖中宿州知州歲饑請發帑金轉糴代民輸賦
俟秋成取償漕使者不可采竟矯發之及秋而償民無負者 統志

劉天民字希尹歷城人嘉靖初知壽州崇獎節孝懲刈頑梗立
鄉社以厚風俗北門石橋久圯增修二百餘丈積穀三萬石以
備水旱 江南通志

林大槐莆田人嘉靖閒知懷遠縣持身清約日食止一蔬修復

陂塘積儲倉粟卒於官至無以為斂士民悼之江南通志

張淵江西人隆慶初知鳳陽縣每節省歲支公費及兌運餘米

以代百姓之不能輸者加意卹民而嚴於馭吏以蜚語劾去吏

有進藏中鏹為道里費者笑曰吾肯以休官易操耶斥不受江南通志

陳永直蒲州人萬曆中授鳳陽捕盜通判執法甚嚴初至獲劇

盜折其脛沈淮水中四境肅然江南通志

王存敬字明洲確山人萬曆三十年知懷遠縣時凶荒頻仍亟

圖休養墾荒賑饑仁聲播於遠邇江南通志

黃克纘晉江人萬曆中知壽州愛民禮士不避權要常語寮佐

曰受職自有定分名節千古不磨申請編派等則名曰一條鞭

至今賴之江南通志

賈應龍安陽人萬曆中知臨淮縣縣自國初為鳳陽府治後府

移鳳陽而縣仍名為附郭凡公事皆與鳳陽一例協辦民吏重

困應龍始申請免之又調兩驛夫馬皆得均平江南通志

陳泰交莆田人萬曆中知靈璧縣首革催頭包攬之弊除河夫

馬戶外幫與里甲各色科擾流亡復業者數千家江南通志

張中蘊永嘉人萬曆中知懷遠縣性亢直居官不攜眷屬一綈

袍數年不易後擢鳳陽府江南通志

張日益同安舉人知靈璧縣時河工興作動派里夫民苦額外

征十室九竄日益請於上官第用帑金招募或願赴役者如數

復其身上官急催役日益又具靈璧饑窮狀請寬之以賦不及

格轉王官老幼泣送之為立去思碑福建通志 新增

范紹裘字次濂會稽人天啟初任糧馬通判署司理事攝鳳陽
臨淮篆所至以廉能稱時鎮守太監劉鎮建魏璫生祠於臨淮
紹裘不肯屈膝世尤服其勁節江南通志

高達襄陽人崇禎七年流寇將犯懷遠達設兵多方疑誤賊引
去懷遠縣志

周沂字友抃崇禎聞壽州學正勤於課士流寇圍城躬親守禦
著守壽紀略一卷壽州志

張國翰鳳陽衛指揮崇禎八年流賊攻城督眾力戰退之十七
年劉良佐叛兵攻城又募敢死之士縋城出戰城以得全江南通志
顏容暄漳州人復聖裔知鳳陽府流賊犯境遣兵助朱國相接
戰及聞敗暄冠帶坐堂上罵賊不屈賊殺之火其屍於堂階石
上血漬成形宛如其像郡人立冢建祠祀焉明史尹夢鼈傳

莊祖誼成都人崇禎中知懷遠縣甫下車即設計擒崔乾兩劇
盜以卓異聞江南通志

唐良銳全州人崇禎中靈璧知縣十五年流寇陷城抗罵死一統志

李彬呈貢人崇禎中知定遠縣當流寇蹂躪之後總兵黃得功
移鎮定遠彬為修城練兵廣儲積造火器招撫流移協力護持
民甚賴之江南通志

國朝史記功滿洲人順治中知鳳陽府瘡痍之後以撫綏為事輕
徭省賦勸課耕桑民皆樂業一統志

張純熙真定人順治間進士授鳳陽推官嚴明有守猾吏不敢
營私權要請屬概拒不應以持正稱一統志

張啟泰長山人順治初知鳳陽縣當兵革之後撫育黎元獎拔

士類人咸德之

江南舊志

潘登貴字天章嘉定州人順治初知懷遠縣時兵戈甫定民氣

未復登貴寬和鎮靜一以噢咻為治境內始安

江南舊志

傅鎮國順治初知懷遠縣積衰之後大加整飭驛遞則馬歸官

養錢糧則里收吏解招流移重學校誅劇盜禁封船嚴越訴皆

稱美政

懷遠縣志

王棐字再旦長山人順治初知壽州州頻經寇亂廬舍蕭條棐

一意休養釐剔弊蠹翦除強暴為民捍患禦災又加意造士禮

高年使諭民為善居數月教化大行

江南通志

李大升字木生猗氏人順治閒知壽州莅政精敏境內水利久

湮為重修芍陂塘躬督畚鍤田疇資以灌溉清里甲革耗羨誅

鉏姦蠹捐貲修學建東西齋舍集諸生獎誨之一科獲雋者十

有二人為州中盛事

江南通志

王業北平人順治初知壽州下車廉胥蠹為民害者立除之一

境稱快六年洪水驟至城門不得闔挺身躍入甕城水中一手

持重賞一手持刀云用命閉門者賞不用命者誅一時併力閉

門億萬人得免沈溺

江南通志

許明儒涑水人康熙閒知懷遠縣以事謫戍南甯就道之日士

民攀轅號泣餽贖者數百人邑人楊麗州等送至戍所始歸

懷遠縣志

唐暄字晴溪全州人康熙閒知懷遠縣自題楹帖云誰謂民愚

毀譽尙存三代直自知已拙先勞莫放一時閒

懷遠縣志

馬驕字宛斯鄒平人康熙初知靈璧縣嚴革雜項之弊有申文

一通為當時傳誦大略以靈璧凋殘之區雜項甚為民害凡一

重修安徽通志

卷一百四十七

職官志

名宦

七

鳳陽府

切陋規濫派等弊皆悉心釐剔隨時出示革除邑人凌繇祚等
列款籲請上司勒石以垂久遠靈璧縣志

聶士貞字元次監利人康熙閒知定遠縣先是邑苦逋賦或株

繫無辜士貞盡行省釋令以限完納逋戶感德輸賦倍早期年

流民盡歸田畝墾闢因崇學校獎節義優耆老卹勞獨事簡民

安鞭笞不用以憂去官士民號泣遮留三日方出境江南通志

貢震字洵雷江陰人靈璧志乾隆初知建平縣在官五年賑災

卹士禁淫祀建育嬰堂勤求水利勸築圩田撰縣志未成而去

祀懷仁祠廣德州志調任靈璧愛民如子長於治水著河防錄

河渠原委二書一縣水道瞭如指掌道光十九年奉準祀名宦

祠靈璧縣志新增

朱展江蘇江甯人乾隆十六年知壽州慈於臨民而簡於事上

城傾圮請修工竣而餘石尙多人請以治公署不許固請爲之

會高家堰興工壽州例備石若干期甚迫石無所出展焚香祭

山鳩工開鑿得積石數窖咸以爲至誠所感云壽州志

朱成阿正黃旗人乾隆十八年知臨淮縣地當孔道往來供億

皆有節度徭役以均臨淮縣志

鄭基廣東香山廩貢乾隆二十二年任鳳臺知縣濬濕泥黑濠

裔溝三河築長湖大山等壩建魯村灣石牖三十五年任壽州

知州修安豐塘鳳皇阜口牖及眾興集蓄水壩蓄洩以時民食

其利壽州志鳳臺鳳臺縣志新增

七十一字椿園滿洲鑲紅旗人侍衛世管佐領乾隆二十七年

官壽春鎮總兵軍政整暇愛拊士卒訓練騎射時時讀書著有

西域聞見錄壽州志新增

席祀江蘇吳縣人乾隆三十年知壽州政尚寬平澤以儒術輯州志增修書院建青雲樓濬泮池立普濟堂芍陂蔡城二塘水利所關時浚治之居官三年毅然以興利除弊為己任壽州志

趙隆宗乾隆三十年壽州州同時州牧鄭基興芍陂水利隆宗董其役守牘門無得私為啟閉犯者必懲率民夫早晚興築四閱月而工成壽州志

陳杰正白旗人乾隆三十二年任壽州鎮總兵恩威并著弁卒畏懷之尤邇民隱歲旱於烈日中免冠躡屣禱於山三日甘霖大沛壽州志

定柱滿洲鑲黃旗人乾隆五十年官壽春鎮總兵與士卒同甘苦深得軍心嘉慶初帶兵河南堵禦教匪戰於光山駐防茨河淮潁賴之壽州志 新增

王集漢軍人嘉慶三年任總兵統馭有方靜鎮不擾七年壬戌

宿州亂偕廬鳳道珠隆阿剿滅之厥功最著壽州志

沙琛雲南太和人嘉慶六年知懷遠縣壬戌宿州民亂距縣甚邇琛捐俸募鄉勇訓練為堵禦計鎮兵至賊窮感就斃畏懷遠之扼其衝也懷遠縣志 以上舊志

李兆洛字申耆江蘇武進人嘉慶十三年以庶吉士改鳳臺知縣精明果毅四境肅然築焦岡圩課民耕種積官稻七千石纂修縣志典核詳明有裨吏治鳳臺縣志 以下新修

舒夢齡字蘇橋湖南進士道光九年任鳳陽知縣以民耕不得法多歉收募湖南老農教之造腳車漕水溉田捐修大小溝口兩石牘置風車於牘上遇淮漲北溢時車水入淮人利賴之後知亳州勤儉自厲累升鳳陽知府廬鳳道鳳陽縣志 亳州志

張清元字鏡川山西渾源舉人道光十一年任懷遠知縣歲饑大水竭力賑濟十七年知定遠縣清釐積案督捕蝗蝻以米易蝗得不成災再調懷遠士民泣送之

懷遠縣志定遠縣志

呂彩字江花舉人嘉慶閒任懷遠訓導清介自持諸生但以園蔬為餽彩勤於考課善談名理以為己為學或問進取之功彩曰不損則益當熟操其所得不虧則補宜審慎其所為

懷遠縣志

裘安邦紹興武進士勇力絕人道光六年官壽春鎮總兵御眾有威訓練精勤汰除營汎朋扣積弊親給兵餉不假手將弁故卒憚其威而樂為之用調徐州鎮卒

壽州志

郭世亨字梅卿浙江蕭山人大興籍進士由庶吉士道光十九年任太平知縣清積案擒劇盜興文教民情悅服歷署蒙城亳州無為州均有政聲咸豐元年署宿州撰好百姓歌民多感化

仿僱役法差徭不擾訊鞫捻匪無枉無縱五年卒官六年祀名宦

太平縣志 亳州志 宿州志

孟傳嶧字翠山山東鄒縣人道光二十五年任鳳陽知縣愛民如子聽斷公明設義倉築汜可亭於府縣夾城聯絡保衛

鳳陽縣志

沈承怡字少餘遼東吉林人官貴池之李陽合肥之青陽巡檢屢獲巨盜擢府經歷署廬江定遠等縣知縣禽斬盜賊稱最旋卒

徐子苓文集

李成虎直隸安平武進士侍衛補廬州都司署宿州營遊擊升甘肅花馬池參將調攻烏江賊巢以功加副將銜咸豐五年率勇駐香泉鎮由石跋河剿賊手刃三十餘人與外委王士貴吳錫福攻破駐馬河三壘陣亡奉

旨優卹建專祠世襲輕車都尉

宿州志 和州志 全椒縣志

鳳陽府

職官志

名宦

三

鳳陽府

李光觀狄永順俱江蘇銅山人先後任宿州營百善汛千總耿

超銅山武舉任宿州城守汛把總光觀在巢縣打仗陣亡永順

超並在宿州濉溪口打仗陣亡宿州志

竇爾畿官懷遠巡檢久於其任民甚安之咸豐八年賊犯上窰

殉難懷遠縣志

周佩濂字怡芳貴州鎮遠舉人咸豐四年任南陵知縣堵禦粵

寇不避艱險八年署定遠縣九年五月捻逆襲得圍撲縣城登

陣守禦圍解保同知直隸州六月捻逆勾髮逆復薄城下佩濂

晝夜巡城齧指出血激勵眾心誓以死守賊用地雷乘夜轟塌

城垣佩濂率士民巷戰重傷死之是年七月奉有官聲素好力

竭捐軀不愧為守土之吏等

諭贈道銜建立專祠世襲雲騎尉其族親幕友同時殉難之外委周汝

諮六品軍功周丙濂廩生沈雲登沈仁普附生金福鴻文童沈

梁賴文光宋錫祥從九品舒習謙章懋守備蔣有龍等照例議

卹一併附祀南陵縣志 定遠縣志

紀瑛振直隸獻縣人道光二十六年任定遠典史咸豐七年再

任九年捻撲定遠瑛振已受代仍與署爐橋主簿陳師感署典

史傅崇梅等守城均死之定遠縣志

蔡鏐貴州拔貢署鳳臺知縣屢勸苗沛霖誠心歸順同治二年

巡撫檄赴下蔡張貼散練告示鏐劄諭苗逆率眾歸正被逆禁

錮殺害棄屍河中最慘曾國藩以鏐大節無虧請將巡撫原參

之案注銷仍照知縣陣亡例優卹得

旨允准兩江奏 續鈔存

孔憲天河南人任鳳臺縣典史同治二年署知縣時苗逆復叛

城陷殉難鳳臺縣志

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

城陷殉難

鳳臺縣志卷之五

